

禪宗正脉卷第八

青原

雲門宗

洞雪  
峰存

睦州  
指見  
雪峰

雲門文偃禪師。嘉興人也初參睦州。州終見來便閉却門。師乃扣門。州曰誰。師曰某甲。州曰作甚麼。師曰已事未明。乞師指示。州開門一見。便閉却。師如是連三日扣門。至第三日。州開門。師乃撥入。州便擒住。曰道道。師擬議。州便推出。曰秦時轆轤鑽。遂掩門。損師一足。師從此悟入。州指見雪峰。師到雪峰莊。見一僧。迺問上座。今日上山去那。僧曰是。師曰寄一則因緣。問堂頭和尚。祇



是不得道。是別人語。僧曰得。師曰。上座到山中。見和尚上堂。眾繞集。便出。握腕立地曰。這老漢。項上帶枷。何不脫却。其僧一依師教。雪峰見這僧與麼道。便下座。攔胸把住曰。速道速道。僧無對。峰拓開曰。不是汝語。僧曰。是某甲語。峰曰。侍者將繩棒來。僧曰。不是某語。是莊上一浙中上座。教某甲來道。峰曰。大眾去莊上迎取五百人善知識來。師次日上雪峰。峰終見便曰。因甚麼得到與麼地。師乃低頭從茲契合。溫研積稔。密以宗印授焉。師出嶺徧謁諸方。覈窮殊軌。鋒辯

靈樹

廣主  
請住  
靈樹

險絕世所盛聞。後抵靈樹。冥符知聖禪師。接首座之說。初知聖住靈樹。二十年不請首座。常云。我首座生也。我首座牧牛也。我首座行脚也。一日令擊鐘。山門外接首座。眾出迓。師果至。直請入首座寮。解包。○後廣主命師出世靈樹。開堂日。主親臨。曰。弟子請益。師曰。目前無異路。法眼不可無師。乃曰。莫道今日謾諸人好。抑不得已。益於人。向諸人前。作一場狼籍。忽遇明眼人。見成一場笑具。如今避不得也。且問你諸人。從上來有甚事。欠少甚麼。向你道無事。已是相埋沒也。雖然

高昇

雲門

高昇



根思  
遲回

尋言  
逐句

十地  
聖人  
見性

如是也。須到這田地始得。亦莫趁口快亂問。自己心裏黑漫漫地。明朝後日。大有事在。你若根思遲回。且向古人建化門庭。東觀西覷。看是個甚麼道理。你欲得會麼。都緣是你自家無量劫來。妄想濃厚。一期聞人說著。便生疑心。問佛問法。問向上向下。求覓解會。轉沒交涉。擬心即差。况復有言有句。莫是不擬心是麼。莫錯會好。更有甚麼事。珍重。○上堂。我事不獲已。向你諸人道。直下無事。早是相埋沒了也。更欲踏步向前。尋言逐句。求覓解會。千差萬別。廣設問難。贏得一場口滑。去道轉遠。有甚麼休歇時。此事若在言語上。三乘十二分教。豈是無言語。因甚麼更道。教外別傳。若從學解。機智得。祇如十地聖人。說法如雲如雨。猶被呵責。見性如隔羅縠。以此故知。一切有心。天地懸殊。雖然如此。若是得底人。道火不能燒口。終日說事。未嘗挂著唇齒。未嘗道著一字。終日著衣喫飯。未嘗觸著一粒米。挂一縷絲。雖然如此。猶是門庭之說也。須是實得。恁麼始得。若約衲僧門下。句裏呈機。徒勞佇思。直饒一句下承當得。猶是瞌睡漢。時有僧問。



大家商量

如何是一句。師曰舉。○僧來參。師乃拈起袈裟。曰。汝若道得。落我袈裟圈。禳裏。汝若道不得。又在鬼窟裏坐。作麼生。自代云。某甲無氣力。○上堂。諸兄弟。盡是諸方參尋知識。決擇生死。到處豈無尊宿。垂慈方便之詞。還有透不得底。句麼。出來舉看。待老漢與你大家商量。有麼。時有僧出。擬伸問次。師曰。去去。西天路。迢迢十萬餘。便下座。○舉世尊初生下。一手指天。一手指地。周行七步。目顧四方云。天上天下。唯我獨尊。師曰。我當時若見。一棒打殺。與狗子喫却。貴圖

文德殿赴齋

舉一則語

天下太平。○師在文德殿赴齋。有鞠常侍問靈樹果子熟也未。師曰。甚麼年中得信道。生。僧問如何是大修行人。師曰。一楹在手。上堂。因聞鐘聲。乃曰。世界與麼廣闊。為甚麼鐘聲披七條。聯珠又云。僧無語。師曰。上堂。舉一則語。教汝直下承當。早是撒屎著汝頭上也。直饒拈一毫頭。盡大地一時明得。也是剗肉作瘡。雖然如此。汝亦須是實到這個田地始得。若未。切不得掠虛。却須退步向自己根脚下推尋看。是個甚麼道理。實無絲毫許與汝作解會。與汝作疑惑。况



信根

淺薄

汝等各各當人有一段事。大用現前。更不煩汝一毫頭氣力。便與祖佛無別。自是汝諸人。信根淺薄。惡業濃厚。突然起得許多頭角。擔鉢囊。千鄉萬里受屈作麼。且汝諸人。有甚麼不足處。大丈夫漢。阿誰無分。獨自承當得。猶不著便。不可受人欺謾。取人處分。總見老和尚開口。便好把特石。驀口塞。便是屎上青蠅相似。闍喞將去。三個五個聚頭商量。苦屈兄弟。古德一期為汝諸人不奈何。所以方便垂一言半句。通汝入路。知是般事。拈放一邊。自著些子筋骨。豈不是有少許相親處。快與快與。時不待人。出息不保入息。更有甚麼身心。別處閑用。切須在意。珍重。

又上堂文

靈樹  
默然  
處

長不備錄

●頌僧問靈樹如何是祖師西來意。樹默然。

遷化後。門人立行狀碑。欲入此語。問師曰。先師默然處如何。上碑。師對曰。師●頌普請般柴次。師遂拈一片拋下曰。一大藏教。祇說這個。●評頌上

堂。人人自有光明在。看時不見暗昏昏。作麼生是諸人自己光明。自代曰。厨堂三門。又曰。好事不如無。●評頌示眾。藥病相治。盡大地是藥。那個是你自己。云云。●評頌僧問如何是超佛越祖之



時運  
澆漓

覓相  
似語  
句

談師曰。餠餅。○上堂。故知時運澆漓。代平像季。近日師僧。北去言禮文殊。南去謂遊衡嶽。恁麼行脚。名字比丘。徒消信施。苦哉苦哉。問著黑漆。相似祇管取性過時。設有三個兩個狂學。多聞記持話路。到處覓相似語句。印可老宿。輕忽上流。作薄福業。它日閻羅王釘釘之時。莫道無人向你說。若是初心後學。直須擺動精神。莫空記人說處。多虛不如少實。向後祇是自賺。有甚麼事。近前。頌。上堂聞聲悟道。見色明心。遂舉起手曰。觀世音菩薩。將錢買餠餅。放下手曰。元來祇是餠頭。頌。上堂乾坤之內。宇宙之間。中有一寶。秘在形山。拈燈籠向佛殿裏。將三門來燈籠上。作麼生。自代曰。逐物意移。又曰。雲起雷興。頌。示衆曰。十五日已前不問汝。十五日已後道將一句來。衆無對。自代曰。日日是好日。頌。上堂。拈拄杖曰。凡夫實謂之有。二乘析謂之無。圓覺謂之幻有。菩薩當體即空。衲僧家見拄杖。便喚作拄杖。行但行。坐但坐。不得動著。頌。僧問。如何是雲門一曲。師曰。臘月二十五。曰。唱者如何。師曰。且緩緩。○問。牛頭未見四祖時如何。師曰。家

見解  
不同

家



索筆  
成偈

家觀世音。曰見後如何。師曰。火裏唧螻吞大蟲。

○問如何是雪嶺泥牛吼。師曰。山河走。如何是

雲門木馬嘶。師曰。天地黑。人天眼目互換下句稍異○問十

二時中。如何即得不空過。師曰。向甚麼處著。此

一問曰。學人不會請師舉。師曰。將筆硯來。僧乃

取筆硯來。師作一頌曰。舉不顧。即差互。擬思量。

何劫悟。頌。僧問如何是學人自己。師曰。遊山翫

水曰。如何是和尚自己。師曰。賴維那不在。評頌。

僧問樹凋葉落時如何。師曰。體露金風。頌。問如

何是佛師曰。乾屎橛。頌。問如何是諸佛出身處。

師曰。東山水上行。頌。問古人面壁意旨如何。師

曰。念七。頌。問如何是祖師西來意。師曰。日裏看

山。頌。問如何是和尚家風。師曰。有讀書人來報。

頌。問如何是透法身句。師曰。北斗裏藏身。○問

承古有言。牛頭橫說豎說。猶未知有向上關。候

子。如何是向上關。候子。師曰。東山西嶺青。○上

堂函蓋乾坤目。機銖兩不涉世緣。作麼生承當。

衆無對。自代曰。一鏃破三關。頌。僧問如何是雲

門劍。師曰。祖。頌。問如何是正法眼。師曰。普。頌。問

如何是啐啄之機。師曰。響。頌。問如何是吹毛劍。

三句  
關鍵

一字  
機鋒



法身  
向上  
事

師曰。豁。又曰。齒。**頌**問如何。是雲門一路。師曰。親。**頌**問殺父殺母。向佛前懺悔。殺佛殺祖。向甚麼處懺悔。師曰。露。**評頌**問如何。是一代時教師。曰。對一說。**評頌**問不是目前機。亦非目前事。時如何。師曰。倒一說。**頌**問如何。是法身向上事。師曰。向上與汝道。即不難。作麼生會法身。曰。請和尚鑒。師曰。鑒。即且置。作麼生會法身。曰。與麼與麼。師曰。這個是長連牀上學得底。我且問你。法身還解喫飯麼。僧無對。**評頌**問僧近離甚麼處。曰。西禪。師曰。西禪近日有何言句。僧展兩手。師打

講僧  
叅

一掌。僧曰。某甲話在師。却展兩手。僧無語。師又打。**頌**僧問。秋初夏末。前程若有人問。作麼生祇對。師曰。大眾退後。曰。未審過在甚麼處。師曰。還我九十日飯錢來。**頌**講僧叅。經時。乃曰。未到雲門時。恰似初生月。及乎到後。曲彎彎地。師得知。乃召問。是你道否。曰。是。師曰。甚好。吾問汝。作麼生。是初生月。僧乃斫額。作望月勢。師曰。你如此已後。失却目在。僧經旬日復來。師又問。你還會也。未。曰。未會。師曰。你問我。僧便問。如何是初生月。師曰。曲彎彎地。僧罔措。後果然失目。○示衆



真空不壞有。真空不異色。僧便問。作麼生是真  
空。師曰。還聞鐘聲麼。曰。此是鐘聲。師曰。驢年夢  
見麼。**頌**。上堂。平地上死人無數。過得荆棘林者  
是好手。時有僧出曰。與麼則堂中第一座有長  
處也。師曰。蘇魯蘇魯。**頌**。僧問。佛法如水月。是否。  
師曰。清波無透路。曰。和尚從何得。師曰。再問復  
何來。曰。正與麼時如何。師曰。重疊關山路。**評頌**  
上堂。拈拄杖曰。拄杖子化爲龍。吞却乾坤了也。  
山河大地甚處得來。師有偈曰。不露風骨句。未  
語先分付。進步口喃喃。知君大罔措。○示衆一

光不  
透脫

人因說得悟。一人因喚得悟。一人聞舉便回去。  
你道便回去。意作麼生。復曰。也好與三十棒。**頌**  
上堂。光不透脫。有兩般病。一切處不明。面前有  
物是一。又透得一切法空。隱隱地似有個物相  
似。亦是光不透漏。又法身亦有兩般病。得到法  
身。爲法執不忘。已見猶存。坐在法身邊。是一。直  
饒透得法身去。放過即不可。子細檢點將來。有  
甚麼氣息。亦是病。**頌**。問僧。光明寂照徧河沙。豈  
不是張拙秀才語。曰。是。師曰。話墮也。**頌**。僧問。一  
切智通無障礙。時如何。師曰。掃地潑水相公來。



**評頌**問如何是法身。師曰。六不收。**評頌**問如何

是清淨法身。師曰。花藥欄。曰。便恁麼去時如何。

師曰。金毛師子。**評頌**問不起一念。還有過也無。

師曰。須彌山。**評頌**問如何是塵塵三昧起。師曰。

鉢裏飯桶裏水。○問如何是佛法大意。師曰。面

南看北斗。○師到天童。童曰。你還定當得麼。師

曰。和尚道甚麼。童曰。不會則目前包裹。師曰。會

則目前包裹。○師到曹山。見示衆云。諸方盡把

格則。何不與它道却。令它不疑去。師問。密密處

爲甚麼不知有。山曰。祇爲密密。所以不知有。師

曰。此人如何親近。山曰。莫向密密處親近。師曰。

不向密密處親近時如何。山曰。始解親近。師應

喏喏。○師到鵝湖。聞上堂曰。莫道未了底人。長

時浮逼逼地。設使了得底。明明得知有去處。尚

乃浮逼逼地。師下問首座。適來和尚意作麼生。

曰。浮逼逼地。師曰。首座久在此住。頭白齒黃。作

這個語話。曰。上座又作麼生。師曰。要道即得見。

即便見。若不見。莫亂道。曰。祇如道浮逼逼地。又

作麼生。師曰。項上著枷。脚下著杻。曰。與麼則無

僧舉

佛法也。師曰。此是文殊大人境界。○僧舉灌谿

湖 抵鵝

山 到曹



灌谿  
示衆

尚書  
請齋

尚書

脚事

上堂曰。十方無壁落。四面亦無門。淨躡躡。赤灑灑。沒可把。師曰。舉即易。出也大難。曰。上座不肯。和尚與麼道那。師曰。你適來與麼舉那。曰。是。師曰。你驢羊夢見灌谿。曰。某甲話在。師曰。我問你。十方無壁落。四面亦無門。你道大梵天王與帝釋天商量甚麼事。曰。豈干它事。師喝曰。遂隊喫飯。漢頌師到江州。有陳尚書者。請齋。纔見便問。儒書中即不問。三乘十二分教。自有座主。作麼生是衲僧行脚事。師曰。曾問幾人來。書曰。即今問上座。師曰。即今且置。作麼生是教意。書曰。黃

卷赤軸。師曰。這個是文字語言。作麼生是教意。書曰。口欲談而辭喪。心欲緣而慮忘。師曰。口欲談而辭喪。為對有言。心欲緣而慮忘。為對妄想。作麼生是教意。書無語。師曰。見說尚書看法華經。是否。書曰。是。師曰。經中道。一切治生產業。皆與實相。不相違背。且道非非想天。有幾人退位。書無語。師曰。尚書且莫草草。三經五論。師僧拋却。特入叢林。十年二十年。尚不奈何。尚書又爭得會。書禮拜曰。某甲罪過。頌師每見僧。必顧視曰。鑒僧擬議。乃曰。咦。後德山圓明大師。刪去顧

抽顧



字。謂之抽顧。叢林目雲門。顧鑒。嘆。增收。評頌示  
衆云。古佛與露柱相交。是第幾機。自代云。南山  
起雲。北山下雨。增收。

嗣雲  
門偃

白雲子祥實性大師。僧問。祖意教意。是同是別。  
師曰。不別。曰。恁麼則同也。師曰。不妨領話。○上  
堂。諸人會麼。但向街頭市尾。屠兒魁劊。地獄鑊  
湯。處會取。若恁麼會得。堪與人天為師。若向衲  
僧門下。天地懸殊。更有一般底。祇向長連牀上  
作好人去。汝道此兩般人。那個有長處。無事珍  
重。○問僧。不壞假名。而談實相。作麼生。僧指椅

子曰。這個是椅子。師以手撥椅曰。與我將鞋袋

來。僧無對。師曰。這虛頭漢。

雲門問乃云。須是我祥兄始得。

嗣雲  
門偃

德山緣密。圓明禪師。上堂。我有三句語。示汝諸

人。一句函蓋乾坤。一句截斷衆流。一句隨波逐

浪。作麼生辯。若辯得出。有參學分。若辯不出。長

安路上。鞦韆地。○上堂。但參活句。莫參死句。活

句下薦得。永劫無滯。一塵一佛國。一葉一釋迦。

是死句。揚眉瞬目。舉指豎拂。是死句。山河大地。

更無請訛。是死句。時有僧問。如何是活句。師曰。

波斯仰面看。曰。恁麼則不謬去也。師便打。頌上

活句

三句



嗣雲  
門偃

堂。大衆及盡去也。直得三世諸佛。口挂壁上。猶有一人呵呵大笑。若識此人。參學事畢。**增收**

巴陵  
三轉  
語

巴陵新開顯鑒禪師。初到雲門。門曰。雲峰和尚道。開却門。達磨來也。我問你作麼生。師曰。築著和尚鼻孔。門曰。地神惡發。把須弥山一擗。跨跳上梵天。拶破帝釋鼻孔。你爲甚麼向日本國裏藏身。師曰。和尚莫瞞人好。門曰。築著老僧鼻孔。又作麼生。師無語。門曰。將知你祇是學語之流。師住後。更不作法。嗣書祇將三轉語上雲門。**頌**僧問如何是道。師曰。明眼人落井。**評頌**問如何

嗣雲  
門偃

是吹毛劍。師曰。珊瑚枝枝撐著月。**評頌**問如何是提婆宗。師曰。銀盃裏盛雪。門曰。它後老僧忌日。祇消舉此三轉語。足以報恩。自後忌辰。果如所囑。**頌**問祖意教意是同是別。師曰。雞寒上樹。鴨寒下水。

雙泉師寬明教禪師。上堂舉拂子曰。這個接中下之人。時有僧問。上上人來時如何。師曰。打鼓爲三軍。○問洞山初和尚如何。是佛山曰。麻三斤。師聞之。乃曰。向南有竹。向北有木。○問如何是定。師曰。鰲跳不出斗。曰。如何出得去。師曰。南



遊山

山起雲。北山下雨。○問北斗裏藏身意旨如何。師曰。雞寒上樹。鴨寒下水。○師遊山。回首座同衆出接。座曰。和尚遊山。巖嶮不易。師提起拄杖曰。全得這個力。座乃奪却。師放身便倒。大眾皆進前扶起。師拈拄杖。一時趁散。回顧侍者曰。向道全得這個力。

嗣雲  
門偃

香林澄遠禪師。在衆日。普請鉏草次。有一僧曰。看俗家失火。師曰。那裏火。曰。不見那。師曰。不見。曰。這瞎漢。是時一衆皆言。遠上座。敗闕後。明教寬聞舉。嘆曰。須是我遠兄始得住。後僧問美味。

賓主  
問

醜醜為甚。麼變成毒藥。師曰。導江紙貴。○問如何是祖師西來意。師曰。踏步者誰。○領問如何是室內一椀燈。師曰。三人證龜成鼈。○領問如何是衲衣下事。師曰。臘月火燒山。○問但有言句。盡是賓。如何是主。師曰。長安城裏。曰。如何領會。師曰。千家萬戶。○評頌問。如何是西來的的意。師曰。坐久成勞。曰。便回轉時如何。師曰。墮落深坑。○領問。萬頃荒田。是誰為主。師曰。看看臘月盡。○增收。○上堂。是汝諸人。盡是擔鉢囊。向外行脚。還識得性也未。若識得。試出來道看。若識不得。祇是

擔鉢  
囊行  
脚



被人執謾將去。且問汝諸人。是汝參學日久用心。掃地煎茶遊山翫水。汝且釘釘喚甚麼作自性。諸人且道。始終不變不異。無高無下。無好無醜。不生不滅。究竟歸於何處。諸人還知得下落所在也未。若於這裏知得所在。是諸佛解脫法門。悟道見性。始終不疑不慮。一任橫行。一切人不奈汝何。出言吐氣實有來處。如人買田。須是收得元本契書。若不得它元本契書。終是不穩。遮莫經官判狀。亦是不得。其奈不收得元本契書。終是被入奪却。汝等諸人。參禪學道。亦復如是。還有人收得元本契書。麼。試拈出看。汝且喚甚麼作元本契書。諸人試道看。若是靈利底。纔聞與麼說著。便知去處。若不知去處。向外邊學得千般巧妙。記持解會。口似傾河。終不究竟。與汝自己。天地差殊。且去衣鉢下體。當尋覓看。若有個見處。上來這裏道看。老僧與汝證明。若覓不得。且依行隊去。

嗣雲  
門偃

洞山守初禪師

頌

初參雲門門問近離甚處師

洞山  
曰查渡門曰夏在甚處師曰湖南報慈門曰幾時離彼師曰八月二十五門曰放汝三頓棒師

買田  
喻



三頓  
棒

至明日。却上問訊。昨日蒙和尚放三頓棒。不知過在甚麼處。門曰。飯袋子。江西湖南。便恁麼去。師於言下大悟。遂曰。它後向無人烟處。不蓄一粒米。不種一莖菜。接待十方往來。盡與伊抽釘拔楔。拈却炙脂帽子。脫却鶻臭布衫。教伊洒洒地。作個無事衲僧。豈不快哉。門曰。你身如椰子。大開得如許大口。師便禮拜。頌。上堂言無展事。語不投機。承言者喪。滯句者迷。還得麼。你衲僧分上。到這裏。須具擇法眼。始得。祇如洞山。恁麼道。也有一場過。且道。過在甚麼處。頌。僧問。如何是正法眼。師曰。紙撚無油。評頌。問。如何是佛。師曰。麻三斤。○問。如何是無縫塔。師曰。十字街頭石師子。

嗣雲  
門偃

泐潭謙禪師。僧問。如何是泐潭家風。師曰。閣黎到來。幾日也。○問。但有纖毫。即是塵。不有時作麼生。師以手掩兩目。○問。悟本無門。如何得入。師曰。阿誰教汝恁麼問。

嗣雲  
門偃

奉先深禪師。頌。師同明和尚到淮河。見人牽網。有魚從網透出。師曰。明兄。俊哉。一似個衲僧。相似。明日。雖然如此。爭如當初。不撞入網羅好。師



嗣雲  
門偃

曰明兄你欠悟在明至中夜方省。明即金陵清涼智明禪師。披雲寂禪師。僧問以字不成。八字不是。未審是甚麼字。師曰聽老僧一偈。以字不是。八不成。森羅萬象。此中明。直饒巧說千般妙。不是謳和不是經。○問如何。是一塵。師曰滿日是青山。前則在

聯珠頌古  
第一卷中

嗣雲  
門偃

舜峰韶禪師。僧問正法無言時如何。師曰言。曰學人不會。乞師端的。師曰兩重公案。曰豈無方便。師曰無禮難容。○問祖意教意是同是別。師曰日出東方。夜落西。

嗣雲  
門偃

般若柔禪師。頌僧門西天以蠟人為驗。此土如何。師曰新羅人草鞋。○上堂眾聞板聲集。師因示偈曰妙哉。三下板。知識盡來參。既善分時節。吾今不再三。便下座。

嗣雲  
門偃

薦福承古禪師。操行高潔。稟性虛明。參大光敬玄禪師。乃曰。祇是個草裏漢。遂參福嚴雅和尚。又曰。祇是個脫洒衲僧。由是終日默然深究。先德洪規。一日覽雲門語。忽然發悟。自此韜藏。不

深究  
洪規

求名聞棲止雲居弘覺禪師塔所。四方學者奔湊。因稱古塔王也。景祐四年范公仲淹出守鄱



陽。聞師道德。請居薦福。開闡宗風。○頌僧問大善  
知識。將何為人。師曰。莫。曰。恁麼則有問有答。去  
也。師曰。莫。聯珠○問。一喝分賓主。照用一時行  
此意如何。師曰。乾柴濕艾。僧便喝。師曰。紅燄炎  
天。○上堂。夫出家者。為無為法。無為法中。無利  
益。無功德。近來出家人。貪著福慧。與道全乖。若  
為福慧。須至明心。若要達道。無汝用心處。所以  
常勸諸人。莫學佛法。但自休心。利根者。晝時解  
脫。鈍根者。或三五年。遠不過十年。若不悟去。老  
僧與你入拔舌地獄。參

雙峰欽禪師僧問。如何是雙峰境。師曰。夜聽水  
流。庵後竹。晝看雲。起面前山。○問。如何是和尚  
為人。一。師曰。因風吹火。○上堂。進一步則迷  
理。退一步則失事。饒你一向兀然去。又同無情。  
僧問。如何得不同無情去。師曰。動靜施為。曰。如  
何得不迷理失事去。師曰。進一步。退一步。僧作  
禮。師曰。向來有人恁麼會。老僧不肯伊。曰。請師  
直指。師便打出。○問。如何是正法眼。師曰。山河  
大地。○問。如何是法王劍。師曰。鋸刀徒逞。不若  
龍泉。曰。用者如何。師曰。藏鋒猶不許。露刃更何



堪頌問賓頭盧應供四天下還得徧也無師曰如月入水問如何是用而不雜師曰明月堂前垂玉露水晶殿裏璨真珠

嗣雲  
門偃

資福詮禪師僧問覲面相逢處如何顧鑿啖乞師垂半偈免使後人疑師曰鋒前一句超調御擬問如何歷劫違曰恁麼則東山西嶺時人知有未審資福庭前誰家風月師曰且領前話黃雲元禪師上堂古人道觸目未曾無臨機何不道山僧即不然觸目未曾無臨機道甚麼珍重

嗣雲  
門偃

門偃

龍境倫禪師開堂陞座提起拂子曰還會麼若會頭上更增頭若不會斷頭取活僧問如何是佛師曰勤耕田曰學人不會師曰早收禾

嗣雲  
門偃

大容譚禪師僧問既是大容為甚麼趣出籠師曰大海不容塵小溪不搯搯○問如何是古佛一路師指地僧曰不問這個師曰去○師與一老宿相期他往偶因事不去宿曰佛無二言師曰法無一向

嗣雲  
門偃

華嚴慧禪師僧問承古有言妄心無處即菩提正當妄時還有菩提也無師曰來音已照曰不



會師曰。妄心無處。即菩提。

黃檗法濟禪師。僧問。如何是和尚家風。師曰。與天下人作榜樣。

谷山豐禪師。僧問。師唱誰家曲。宗風嗣阿誰。師曰。雪嶺梅花綻。雲洞老僧驚。

洞山清臬禪師。參雲門。門問。今日離甚處。曰。慧林。門舉拄杖曰。慧林大師。恁麼去。汝見麼。曰。深領此問。門顧左右微笑而已。師自此入室。印悟。○金陵王。請居光睦。未幾。命入澄心堂。集諸方語要。經十稔。迎住洞山。

北禪寂禪師。上堂。拈拄杖曰。過去未來現在三世諸佛。微塵菩薩。一時在拄杖頭上。轉大法輪。盡向諸人鼻孔裏過。還見麼。若見與我拈將來。若不見。大似立地死漢。良久曰。風恬浪靜。不如歸堂。

淨源真禪師。上堂。古人道。山河大地。普真如大衆。若得真如。即隱却山河大地。若不得。即違古人至言。衆中道得者。出來道看。若道不得。不如各自歸堂。珍重。

大梵圓禪師。因見聖僧。乃問。僧。此個聖僧。年多。

嗣雲  
門偃

嗣雲  
門偃

嗣雲  
門偃

嗣雲  
門偃

嗣雲  
門偃

嗣雲  
門偃



少僧曰。恰共和尚同年。師喝曰。這場斗。不易道得。

嗣雲  
門偃

藥山圓光禪師。問新到南來北來。曰。北來。師曰。不落言詮。速道。速道。曰。某甲是福建道人。善會鄉談。師曰。叅衆去。僧曰。灼然。師曰。更踣跳。便打。奉國海禪師。僧問。青青翠竹。盡是真如。如何是真如。師曰。點鐵成金。客問。名不見形。曰。恁麼則禮謝去也。師曰。昔時妄想。至今猶存。

嗣雲  
門偃

嗣雲  
門偃

雲門球禪師。僧問。如何是隨色摩尼珠。師曰。色即不無。作麼生是珠。曰。學人不會。特伸請益。師曰。雲有出山勢。水無投澗聲。

嗣雲  
門偃

佛陀遠禪師。僧問。如何是佛。師曰。銅頭鐵額。曰。意旨如何。師曰。簸土揚塵。

嗣雲  
門偃

慈雲深禪師。僧問。寶鏡當軒時。如何。師曰。天地皆失色。○問。如何是教外別傳。一句。師曰。扣牙恐驚齒。

嗣雲  
門偃

化城鑒禪師。上堂。十方薄伽梵。一路涅槃門。諸禪德。且作麼生。是涅槃門。莫是山僧這裏聚會少時。便為涅槃門麼。莫錯會好。諸禪德。揔不恁麼會。莫別有商量底麼。山僧這裏。早是事不獲。



解會  
繫縛

已。向諸人恁麼道。已是相鈍置了也。更擬踏步  
向前。有何所益。諸禪德。但自無事。自然安樂。任  
運天真。隨緣自在。莫用巡它門戶。求覓解會。記  
憶在心。被他繫縛。不得自在。便彼生死之所拘  
何時得出頭。可惜光陰。倏忽便是來生。速須努  
力。時有僧問。生死到來。如何免得。師曰。柴鳴竹  
爆。驚人耳。曰。學人不會。請師直指。師曰。家犬聲  
。獰夜不休。○僧問。如何是向上關。楸子。師曰。拔  
劍攪龍門。

嗣雲  
門偈

護國和尚。上堂。實際理地。不受一塵。佛事門中。  
不捨一法。又曰。一法若有毗盧墮。在凡夫。萬法  
若無。普賢失其境界。諸上座。作麼生理。論朝夕  
恁麼上來。向諸上座說個甚麼。即得。若說三乘  
十二分教。自有座主律師。若說世諦。因緣。又非  
僧家之所議。若論佛法。從上祖宗。多少佛法。可  
與評量。揔不如是。湏知各各當人。分上事。作麼  
生。是諸上座。分上事。知有麼。對衆吐露。個消息。  
以表平生。行腳。參善知識。具爍迦羅目。不被人  
瞞。豈不快哉。還有麼。良久云。若無人出頭。賞買  
不當。價徒勞。更商量。珍重。



嗣雲  
門偃

西禪欽禪師。僧問。如何是函蓋乾坤句。師曰。天  
上有星皆拱北。曰。如何是截斷衆流句。師曰。大  
地坦然平。曰。如何是隨波逐浪句。師曰。春生夏  
長。

嗣雲  
門偃

覺華照禪師。僧問。如何是真如涅槃。師曰。秋風  
聲颯颯。澗水響潺潺。

嗣雲  
門偃

延長山和尚。僧問。從上古聖。向甚麼處去。師曰。  
不在山間。即居樹下。曰。未審成得個甚麼。師曰。  
汝還知落處麼。僧無語。師便打。

嗣雲  
門偃

黃龍贊禪師。僧問。如何是和尚關捩子。師曰。少  
人踏得著。曰。忽踏得著時如何。師曰。汝試進前  
看。僧便喝。師便打。

嗣雲  
門偃

雲門朗上座。自幼肄業講肆。聞僧問雲門如何  
是透法身句。門曰。北斗裏藏身。師罔測微旨。遂  
造雲門。門終見。便把住曰。道道。師擬議。門拓開。  
乃示頌曰。雲門聳峻白雲低。水急遊魚不敢棲。  
入戶已知未見解。何勞再舉轆中泥。師因斯大  
悟。○僧問。如何是解脫。師曰。穿靴水上行。

嗣雲  
門偃

纂子山庵主。僧問。如何是透法身句。師曰。朝看  
東南暮看西北。



嗣白  
雲祥

大歷和尚。初叅白雲。雲舉拳曰。我近來不恁麼也。師領旨禮拜。自此入室。僧問如何是西來意。師曰。破草鞋。○問如何是無為師。乃擺手。○問。施主供養。將何報答。師以手撚髭曰。有髭即撚。無髭又如何。師曰。非公境界。

嗣白  
雲祥

寶華和尚。見一僧從法堂階下過。師乃敲繩牀。僧曰。若是這個。不請拈出。師喜。下地詰之。僧無語。師便打。

嗣白  
雲祥

月華山月禪師。初謁白雲。雲問業個甚麼。曰。孔雀經。雲曰。好個人家男女。隨鳥雀後走。師聞語。驚異。遂依附。久之。乃契旨。尋住月華。○有一老宿。上法堂。東西顧視曰。好個法堂。要且無主。師聞。乃召曰。且坐喫茶。宿問曰。玄中最的。猶是龜毛兔角。不向二諦中修。如何密用。師曰。側宿曰。恁麼則。拗折拄杖。割斷草鞋去也。師曰。細而詳之。

嗣白  
雲祥

樂淨匡禪師。僧問。但得本。莫愁末。如何是本。師曰。不要問人。曰。如何是末。師乃豎指。○因普請打籬次。僧問。古人種種開方便門。和尚為甚麼却攔截。師曰。牢下檝著。



嗣白  
雲祥

後白雲和尚。僧問古琴絕韻請師彈。師曰。伯牙雖妙手。時人聽者希。曰。恁麼則再遇子期也。師曰。笑發驚絃斷。寧知調不同。

嗣德  
山密

文殊真禪師。頌。僧問萬法歸一。一歸何處。師曰。黃河九曲。增收。問古人拊掌意旨如何。師曰。家無小使不成君子。

嗣德  
山密

南臺勤禪師。頌。僧問如何是祖師西來意。師曰。一寸龜毛重七斤。

嗣德  
山密

德山晏禪師。僧問如何是祖師西來意。師曰。桃源水遶白雲亭。○上堂。一塵纔起大地全收。一

嗣德  
山密

毛頭上。師子全身。且道一塵纔起大地全收。須彌山重多少。一毛頭上。師子全身。大海水有幾滴。有人道得與汝拄杖子。天下橫行。若道不得。須彌山蓋却汝頭。大海水溺却汝身。

乾明普禪師。僧問萬行齊脩。古人不許。不落功勳。還許也無。師曰。一。曰。學人未曉。乞師再指。師曰。三十年後。

嗣德  
山密

中梁崇禪師。僧問垂絲千尺。意在深潭。時如何。師曰。紅鱗掌上躍。

嗣德  
山密

黃龍愿禪師。僧問迦葉上行衣。何人合得披。師



嗣德  
山密

曰一片燒痕地。春入又逢青。

普安道禪師。三句頌。函蓋乾坤曰。乾坤并萬象。地獄及天堂。物物皆真見。頭頭用不傷。截斷衆流曰。堆山積嶽來。一一盡塵埃。更擬論玄妙。冰消瓦解摧。隨波逐浪曰。辯口利舌問。高低摠不虧。還如應病藥。診候在臨時。三句外曰。當人如舉唱。三句豈能該。有問如何事。南嶽與天台。擡薦商量曰。相見不揚眉。君東我亦西。紅霞穿碧落。白日繞須弥。

嗣巴  
陵鑑

泐潭靈澄散聖。師有西來意。頌曰。因僧問我西來意。我話居山七八年。草履祇栽三個耳。麻衣曾補兩番肩。東庵每見西庵雪。下澗長流上澗泉。半夜白雲消散後。一輪明月到牀前。

嗣巴  
陵鑑

五祖師戒禪師。僧問如何是隨色摩尼珠。師曰隨。曰隨後如何。師曰。一個婆婆婆。兩個瘦。智門問曰。暑往寒來。即不問。林下相逢事。若何。師曰。五鳳樓前聽玉漏。門曰。爭奈主山高。案山低。師曰。須弥頂上擊金鐘。頌。僧問如何是佛。師曰。踏著秤鎚硬似鐵。增收。

嗣雙  
泉寬

福昌善禪師。僧問如何是正法眼。師曰。夜觀乾



嗣雙  
泉寬

嗣香  
林遠

象曰學人不會意旨如何師曰日裏看山○上堂盡乾坤大地微塵諸佛揔在福昌這裏拈拄杖畫一畫曰說佛說法諸禪德若也會得出來與汝證據若也不會花須連夜發莫待曉風吹便下座

建福同禪師僧問如何是透法身句師曰鸚鵡

慕西秦僧禮拜師曰聽取一頌雲門透法身法

身何許人鴈回沙塞北鸚鵡慕西秦

智門光祚禪師先任北塔隨州人也頌僧問如何是佛師

曰踏破草鞋赤脚走曰如何是佛向上事師曰

拄杖頭上挑日月評頌問如何是般若體師曰

蚌含明月曰如何是般若用師曰兔子懷胎評

頌問蓮華未出水時如何師曰蓮華曰出水後

如何師曰荷葉○上堂一法若有毗盧墮在凡

夫萬法若無普賢失其境界正當恁麼時文殊

向甚麼處出頭若也出頭不得金毛師子腰折

幸好一盤飯莫待糝椒薑○上堂汝等諸人橫

擔拄杖出一叢林入一叢林你道叢林有幾種

或有梅檀叢林梅檀圍繞或有荆棘叢林荆棘

圍繞或有荆棘叢林梅檀圍繞或有梅檀叢林

師子  
腰折

四種  
叢林



嗣洞  
山初

荆棘圍繞。祇如四種叢林。是汝諸人在阿那個。  
鞋。閻羅王徵你草鞋錢。有日在。○上堂。雲峰較  
毬羅漢書字。歸宗斬蛇。大隨燒畬。且道明甚麼  
邊事。還有人明得麼。試道看。若明不得。所以道  
斬蛇須是斬蛇手。燒畬須是燒畬人。瞥起情塵  
生妄見。眼裏無筋。一世貧。

福嚴良雅禪師。居洞山第一座。山叅次。僧出問  
如何是佛。山答曰。麻三斤。叅罷。山至寮。謂師曰。  
我今日答這僧話。得麼。曰。恰值某淨髮。山曰。你  
元來作這去就。拂袖便出。師曰。這老漢。將謂我  
明他這話頭不得。因作偈呈曰。五彩畫牛頭。黃  
金為點額。春晴二月初。農人皆取則。寒日賀新  
正。鐵錢三五百。山見深肯之。

嗣洞  
山初

開福賢禪師。○僧問。如何是衲僧活計。師曰。耳  
裏種田。此則聯珠有頌。見香林遠章內。○上堂。不用思而知。不

用慮而解。知解俱泯。合談何事。師曰。一葉落天  
下。秋

嗣洞  
潭謙

了山盛禪師。上堂。鐘聲清。鼓聲響。早晚相聞。休  
妄想。薦得徒勞。別問津。莫道山僧無伎倆。吐



嗣奉  
先深

蓮華峰祥庵主。僧問如何。是雪裏泥牛吼。師曰聽。曰如何。是雲中木馬嘶。師曰響。評頌示寂日。拈拄杖示衆曰。古人到這裡。為甚麼不肯住。衆無對。師乃曰。為它途路不得力。復曰。畢竟如何。以杖橫肩曰。柳栗橫擔不顧人。直入千峰萬峰去。言畢而逝。

嗣雙  
泉都

德山遠禪師。上堂。枕石漱流。任運天真。不見古者道。撥霞掃雪。和雲母掘石移松。得茯苓當恁麼時。復何言哉。諸禪德。要會麼。聽取一頌。雪霽長空迴野飛。鴻段雲片片向西向東。

嗣披  
雲寂

開先照禪師。僧問。向上宗乘。乞師垂示。師曰。白雲斷處見明月。曰。猶是學人疑處。師曰。黃葉落時。聞擣衣。○上堂。叢林規矩。古佛家風。一叅一請。一粥一飯。且道。明得個甚麼。祇如諸人。心心不停。念念不住。若不能不停處停。念處無念。自合無生之理。與麼說話。笑破他人口。叅。

嗣披  
雲寂

金陵天寶和尚。僧問如何。是和尚家風。師曰。列半作三。曰。學人未曉。師曰。鼻孔針筒。又雲門示

裂三針筒鼻孔云云。載于聯珠頌古。

嗣舜  
峰韶

法雲善禪師。僧問如何。是古佛道場。師曰。山青



水綠

嗣般  
若柔

藍田真禪師。上堂成山假就於始筭。脩途託至  
於初步。上座適來從地爐邊來。還與初步同別。  
若言同。即不會不遷。若言別。亦不會不遷。上座  
作麼生會。還會麼。這裡不是那裡。那裡不是這  
裡。且道是一處兩處。是遷不遷。是來去。不是來  
去。若於此顯明得便。乃古今一如。初終自尔。念  
念無常。心心永滅。所以道觀方知彼去。去者不  
至方。上座適來恁麼來。却請恁麼去。叅

嗣妙  
勝秦

雲峰欽山主。上堂昨日一。今日二。不用思量快

須瞥地。不瞥地。蹉過平生沒巴鼻。咄

嗣清  
涼明

西峰豁禪師。謁清涼。問佛未出世時如何。涼曰。  
雲遮海門樹。日出世後如何。涼曰。擘波鐵圍山。

易中  
要旨

師於言下大悟。涼印可之。歸住寶龍。嘗有問易  
中要旨者。師曰。夫神生於無形。而成於有形。從  
有以至於無。然後能合手妙圓正覺之道。故自  
四十九行。以至於萬有一千五百二十。以窮天  
下之理。以盡天下之性。不異吾聖人之教也。

嗣文  
殊真

洞山曉聰禪師。在雲居作燈頭。見僧說泗州大  
聖。近在揚州出現。有設問曰。既是泗州大聖。



從門  
入者

為甚麼却向揚州出現。師曰：君子愛財，財取之，以道後。僧舉似蓮華峰祥庵主。主大驚曰：雲門兒孫猶在中夜望雲居拜之。○問達磨未傳心地印。釋迦未解髻中珠。此時若問西來意，還有西來意也。無師曰：六月雨淋淋，寬其萬姓心。曰：恁麼則雲散家家月。春來處處花。師曰：脚跟下到金剛水際，是少僧無語。師曰：祖師西來特唱此事，自是上座不薦，所以從門入者，不是家珍。認影迷頭，豈非大錯。既是祖師西來特唱此事，又何必更對衆切切。珍重。○上堂：晨雞報曉，靈

學菩  
提

粥後便天明，燈籠猶瞌睡。露柱却惺惺，復曰：惺惺直言，惺惺歷歷。直言歷歷，明朝後日，莫認奴作郎。珍重。○上堂：舉寒山云：井裡生紅塵，高峰起白浪。石女生石兒，龜毛寸寸長。若要學菩提，但有此模樣。良乂曰：還知落處也無。若也不知落處，看看菩提入僧堂裏去也。又立。○上堂：春寒凝洩，夜來好雪。還見麼。大地雪漫漫，春風依舊寒。說禪說道，易成佛成祖難。珍重。○因事示衆：天晴蓋却屋，乘乾刈却禾。早輸王稅了，鼓腹唱巴歌。○僧問德山入門便棒，猶是起模畫樣。



嗣南  
臺勤

臨濟入門便喝。未免捏目生花。離此二途未審。洞山如何為人。師曰。天晴久無雨。近日有雲騰。曰。他日若有人問洞山宗旨。教學人如何舉似。師曰。園蔬枯槁。甚擔水滌菠稜。

石霜誠禪師。僧問古者道簾捲當白晝。移榻對青山。如何是捲簾當白晝。師曰。過淨瓶來。曰。如何是移榻對青山。師曰。却安舊處著。○上堂。心外無法。法外無心。隨緣蕩蕩。更莫沉吟。你等諸人。纔上階道。便好回去。更要待第二惡水。滌作甚麼。

嗣五  
祖戒

泐潭澄禪師。僧問。見者是色。聞者是聲。離此二途。請師別道。師曰。古寺新碑額。○師一日見僧披衲。師曰。得恁麼好針線。曰。祇要牢固。師曰。打草驚蛇。作甚麼。曰。客來須看。師曰。祇有這個。更別有。曰。雲生嶺上。師曰。未在。更道。曰。水滴巖前。雲蓋顯禪師。僧問。如何是祖師西來意。師曰。古寺碑難讀。曰。意旨如何。師曰。讀者盡攢眉。

嗣福  
昌善

上方嶽禪師。上堂。旋收黃葉燒青烟。竹榻和衣半夜眠。粥後放參。三下鼓。孰能更話祖師禪。使下座。



嗣福  
口善

育王坦禪師。僧問。有中。有師曰。金河峯上。曰。如  
何。是無中。無師曰。般若臺前。○上堂。千花競發。  
百鳥啼春。是向上句。諸佛出世。知識與慈。是向  
下句。作麼生。是不涉二途句。若識得。頂門上出  
氣。若識不得。土牛耕石田。擊禪林下座。

嗣福  
口善

金山新禪師。僧問。吾有大患。為吾有身。父母未  
生。未審此身在甚麼處。師曰。曠大劫來。無處所。  
若論生滅。盡成非。曰。恁麼則。周徧十方。心不在  
一切處。師曰。泥裏撼椿。○上堂。世間所貴者。和  
氏之璧。隋侯之珠。金山喚作驢屎馬糞。出世間  
所貴者。真如解脫。菩提涅槃。金山喚作冢沸碗。  
鳴。且道。恁麼說話。落在甚麼處。故不是。取捨心。  
重信邪顛見。諸人要知麼。猛虎不顧。几上肉。洪  
爐豈鑄囊中錐。

嗣智  
門祚

雪竇重顯明覺禪師。橫經講席。究理窮玄。詰問

鋒馳。機辯無敵。咸知法器。僉指南遊。首造智門。  
即伸問曰。不起一念。云何有過。門召師。近前。師  
纔近前。門以拂子。驀口打。師擬開口。門又打。師  
豁然開悟。出住翠峰。後遷雪竇。開堂日。僧問。吹  
大法螺。擊大法鼓。朝宰臨筵。如何。即是。師曰。清

開堂  
日示  
衆



風來未休。曰。恁麼則得遇於師也。師曰。一言已出。駟馬難追。僧禮拜。師曰。放過一著。乃普觀大衆曰。人天普集。合發明個甚麼事。焉可互分賓主。馳騁問答。便當宗乘去。廣大門風。威德自在。輝騰今古。把定乾坤。千聖祇言自知。五乘莫能建立。所以聲前悟旨。猶迷顧鑑之端。言下知宗。尚昧識情之表。諸人要知真實相為麼。但以上無攀仰。下絕已躬。自然常光現前。個個壁立千仞。還辨明得也。無未辨辨取。未明明取。既辨明得。能截生死流。同據佛祖位。妙圓超悟。正在此

不二  
法門

時堪報不報之恩。以助無為之化。○上堂。僧問。如何是維摩一默。師曰。寒山訪拾得。曰。恁麼則入不二之門。師噓一噓。復曰。維摩大士去何從。千古令人望莫窮。不二法門休更問。夜來明月上孤峰。○上堂。春山疊亂青。春水漾虛碧。寥寥天地間。獨立望何極。便下座。顧謂侍者曰。適來有人看方丈麼。者曰。有。師曰。作賊人心虛。○上堂。大衆。這一片田地。分付來多時也。尔諸人。四至界畔。猶未識在。若要中心樹子。我也不惜。○僧問。如何是諸佛本源。師曰。千峰寒色。□未委。



向上更有也。無師曰：雨滴巖花。○上堂：中方無壁落，四面亦無門。古人向甚麼處見客，或若道得接手句，許你天上天下。○頌：示衆曰：龍泉與刀斧同質，利鈍懸殊。鴛胎與驥馬同途，遲速有異。○增收：頌僧問：山花開似錦，澗水湛如藍。學人分上，為甚麼不會。師曰：枯木裏瞠眼。曰：恁麼則從苗辨地。因語識人也。師曰：三十棒，且待別時。○增收：頌僧問：如何是佛。師曰：四山圍繞。○增收：雲蓋鵬禪師。○頌：初謁雙泉雅禪師。泉令充侍者。示以芭蕉拄杖話。經久無省發。一日泉向火次。

嗣智  
門祚

師侍立。泉忽問：拄杖子話試舉來。與子商量。師擬舉。泉拈火筋便撼。師豁然大悟。○上堂：高不在絕頂，富不在福嚴。樂不在天堂，苦不在地獄。良久曰：相識滿天下，知心能幾人。

彰法泗禪師。僧問：如何是佛法大意。師曰：多少人摸索不著。曰：忽然摸著，又作麼生。師曰：堪作甚麼。

嗣智  
門祚

嗣福  
嚴雅

北禪賢禪師。○頌：僧問：如何是佛。師曰：匙挑不上。○頌：歲夜小叅曰：年窮歲盡，無可與諸人分。歲老僧烹一頭露地白牛，炊黍米飯，煮野菜羹，燒楮。



分歲  
烹牛

拙火。大家喫了。唱村田樂何故免見倚他門戶  
傍它墻剛被時人喚作郎便下座歸方丈至夜  
深維那入方丈問訊曰縣裏有公人到勾和尚  
師曰作甚麼那曰道和尚宰牛不納皮角師遂  
將下頭帽擲在地上那便拾去師跳下禪林攔  
胸擒住叫曰賊賊那將帽子覆師頂曰天寒且  
還和尚師呵呵大笑那便出去時法昌為侍者  
師顧昌曰這公案作麼生昌曰潭州紙貴一狀  
領過

副開  
福貧

日芳上座僧問如何是函蓋乾坤句師豎起拄

真  
贊師

杖僧曰如何是截斷衆流句師橫按拄杖僧曰  
如何是隨波逐浪句師擲下拄杖僧曰三句外  
請師道師便起去○師贊開福真曰清儀瘦兮  
可瞻可仰仰之非親妙筆圖兮可擬可像像之  
非真非親非真秋月盈輪有言無味兮的中的  
既往如在兮覓馬覓當機隱顯兮絲髮請訛金  
烏卓午兮迅風霹靂

嗣德  
山遠

開先暹禪師操行清苦徧游師席以開悟為志  
參德山見山上堂顧視大眾曰師子嘖呻象王  
回顧師忽有省入室陳所解山曰子作麼生會



嗣德  
山遠

師回顧曰。後園驢喫草。山然之後。至雪竇竇與語。喜其超邁。目曰。海上橫行暹道者。遂命分座。四方英衲。敬畏之。他日竇舉師出世。金鵝師聞。潛書二偈于壁而去。曰。不是無心繼祖燈。道慚未。厠嶺南能。三更月下離巖竇。眷眷無言戀碧石。層。二十餘年四海間。尋師擇友未嘗閒。今朝得到無心地。却被無心趁出山。晚年衆請滋甚。遂開法開先。以慰道俗之望。

秀州資聖勤禪師。上堂。多生覺悟非干衲。一點分明不在燈。拈拄杖曰。拄杖頭上。祖師燈籠脚。下。彌勒湏弥山腰鼓。細即不問你作麼生。是分明一點。你若道得無邊刹境。總在你眉毛上。你若道不得。作麼生。過得羅刹橋。良久曰。水流千派。月山鎖一谿。雲卓拄杖下座。

嗣德  
山遠

潭州鹿苑圭禪師。上堂。凡有因緣。湏曉其宗。若曉其宗。無是無不是。用則波騰海沸。全真體以運行。體則鏡淨水沉。舉隨緣而會寂。且道。兜率天宮。幾人行。幾人坐。若向這裏。辨得緇素。許你諸人。東西南北。如雲似鶴。於此不明。踏破草鞋。未有了日在叅。



嗣洞  
山聰

雲居曉舜禪師

號舜老夫

少年鹿猛忽悟浮幻。授師

出家。乃修細行。

**頌**

參洞山。一日如武昌行乞。首

謁劉公居士家。士高行為時所敬。意所與奪。莫

不從之。師時年少。不知其飽參。頗易之。士曰。老

漢有一問。若相契。即開疏。如不契。即請還山。遂

問古鏡未磨時如何。師曰。黑似漆。曰。磨後如何。

師曰。照天照地。士長揖曰。且請上人還山。拂袖

入宅。師懔懔。即還洞山。山問其故。師具言其事。

山曰。你問我。我與你道。師理前問。山曰。此去漢

陽不遠。師進後語。山曰。黃鶴樓前鸚鵡洲。師於

言下大悟。機鋒不可觸。○上堂。舉夾山道開市

門頭。識取天子。百草頭上。薦取老僧。雲居即不

然。婦搖機。軋軋。兒弄口。噉噉。○上堂。諸方有弄

蛇頭。撥虎尾。跳大海。劔刃裏藏身。雲居這裡。寒

天熱水。洗脚。夜間脫襪打睡。早朝旋打行纏。風

吹籬倒。喚人夫。劈篾縛起。

杭州佛日契嵩禪師。得法于洞山。師夜則頂戴

觀音像。而誦其號。必滿十萬。乃寢。以為常。自是

世間經書章句。不學。而能作原教論。十萬餘言。

明儒釋之道。一貫。以杭宗韓排佛之說。讀之者。

古鏡  
未磨

嗣洞  
山聰

抗宗  
韓排



佛

仁宗

褒寵

韓琦

歐陽

脩尊

禮之

畏服。後居永安蘭若。著禪門定祖圖。傳法正宗記。輔教編上進。仁宗皇帝覽之。加嘆。付傳法院。編次入藏。下詔褒寵。賜號明教。宰相韓琦。大叅歐陽脩。皆延見而尊禮之。洎東還。熙寧四年六月四日。晨興。寫偈曰。後夜月初明。吾今喜獨行。不學大梅老。貪隨鼯鼠聲。至中夜而化。關維不壞者五。曰頂。曰耳。曰舌。曰童。真。白。數珠。其頂骨出舍利。紅白晶潔。道俗合諸。不壞。葬於故居永安之左。後任淨慈北磻。居簡。嘗著五種不壞贊。師有文集二十卷。目曰鐔津。盛行于世。

洞山聰

泐泐潭澄

洪州太守許式。叅洞山。得正法眼。一日與泐潭澄。上藍溥。坐次。潭問。聞郎中道。夜坐。連雲石。春栽帶雨松。當時答洞山。甚麼語。公曰。今日放衙早。潭曰。聞荅泗州大聖。在揚州出現。底是否。公曰。別點茶來。潭曰。名不虛傳。公曰。和尚早晚回山。潭曰。今日被上藍。覷破。藍便喝。潭曰。須是你始得。公曰。不奈船何。打破岸斗。

育王璉禪師。齧齒出家。州角圓頂。篤志道學。寢食無廢。一日洗面。潑水于地。微有省發。即慕叅尋。遠造泐潭法席。投機印可。師事之。十餘年。去



仁廟  
賜號  
大覺

遊廬山掌記于圓通訥禪師所皇祐中仁廟  
有詔住淨因禪院召對化成殿問佛法大意奏  
對稱旨賜號大覺禪師○上堂太陽東昇燦破  
大千之暗諸人若向明中立猶是影響相馳若  
向暗中立也是截頭露影漢到這裡作麼生吐  
露良久曰逢人祇可三分語未可全拋一片心  
叅○上堂世法裡面迷却多少人佛法裏面醉  
却多少人祇如不迷不醉是甚麼人分上事○  
上堂言鋒絕發義海交深若用徑截一路各請  
歸堂○上堂應物現形如水中月遂拈起拄杖

曰這個不是物即今現形也且道月在甚麼處  
良久曰長空有路還須透潭底無蹤不用尋擊  
香臺下座

嗣泐  
潭澄

承天簡禪師上堂夫遮那之境界衆妙之玄門  
知識說之而莫窮善財酌之而莫竭文殊體之  
而寂寂普賢證之以重重若也隨其法性如雲  
收碧漢本無一物若也隨其智用如花開春谷  
應用無邊雖說遍恒沙乃同遵一道且問諸人  
作麼生是一道良久曰白雲斷處見明月黃葉  
落時聞擣衣叅



嗣泐  
潭澄

九峰韶禪師上堂。山僧說禪如蛇蟻吐油。捏着便出。若不捏着。一點也無。何故。祇為不曾看讀。古今因緣及預先排疊。勝妙見知。等候陞堂。便磨唇將。將粥飯氣熏炙諸人。凡有一問一答。蓋不得已。豈獨山僧看他大通智勝如來默坐十劫。無開口處。後因諸天梵王及十六王子。再三勸請。方始說之。却不是秘惜。祇為不敢埋沒諸人。山僧既不埋沒諸人。不得道。山僧會陞座。

嗣泐  
潭澄

西塔殊禪師上堂。黃梅席上數如麻。句裏呈機

嗣泐  
潭澄

事可嗟。直是本來無一物。青天白日被雲遮。叅雲居億禪師上堂。馬祖絕陞堂。雄峰便卷席。春風一陣來。滿地花狼藉。便下座。

嗣泐  
潭澄

令滔首座。夕叅泐潭。潭因問祖師西來單傳心印。直指人心。見性成佛。子作麼生會。師曰。某甲不會。潭曰。子未出家時。作個甚麼。師曰。牧牛。潭曰。作麼生牧。師曰。早朝騎出去。晚後復騎歸。潭曰。子大好不會。師於言下大悟。遂成頌曰。放却牛繩。便出家。剃除鬚髮著袈裟。有人問我西來意。拄杖橫挑囉哩囉。



嗣北塔廣

玉泉承皓禪師。參北塔。發明心要。得大自在。三昧。製犢鼻褌。書歷代祖師名字。乃曰。文殊普賢。較此子。且書於帶上。故叢林自為皓布褌。元豐間。首衆於谷隱。有鄉僧亦效之。師見而詬曰。汝具何道理。敢以為戲事耶。嘔血無及耳。尋於鹿門。如所言而逝。**頌**冬至示衆曰。晷運推移。布褌赫赤。莫怪不洗。無來換替。○自贊粥稀後坐牀窄先卧。耳聾愛高聲。眼昏宜字大。

嗣雲蓋顯

雲居慶禪師。僧問如何是函蓋乾坤句。師曰合。曰如何是隨波逐浪句。師曰闊。曰如何是截斷

嗣上方岳

衆流句。師曰窄。○上堂。道本無為。法非延促。一念萬年。千古在目。月白風恬。山青水綠。法法現前。頭頭具足。祖意教意。非直非曲。要識廬陵米價。會取山前麥熟。以拂子擊禪牀下座。

國慶順宗禪師。上堂。心生則種種法生。心滅則種種法滅。拈起拄杖曰。此個是法。那個是滅底心。若人道得。許你頂上具眼。其或未然。雲暗不知天。早晚。雪深難辨路。高低參。

嗣金山新

天聖守道禪師。上堂。日月遶須弥。人間分晝夜。南閻浮提人。祇被明暗色空留礙。且道不落明



暗一句作麼生道良义曰。柳色黄金嫩。梨花白雪香。○上堂不從一地至一地。寂滅性中寧有位。釋迦稽首問。然燈仁者何名為受記。便下座。

嗣雪  
寶顯

天衣義懷禪師。天聖中試經得度。謁金鑿善葉縣省。皆蒙印可。遂由洛抵龍門。復至都下。欲繼宗風。意有未決。忽遇言法華拊師背曰。雲門臨濟去。及至姑蘇。禮明覺雪寶顯也於翠峰。覺問汝名甚麼。曰。義懷。覺曰。何不名懷義。曰。當時致得覺曰。誰為汝立名。曰。受戒來十年矣。覺曰。汝行脚

入室  
吹

費却多少草鞋。曰。和尚莫瞞人好。覺曰。我也沒量罪過。汝也沒量罪過。你作麼生。師無語。覺打曰。脫空謾語。漢出去。入室。次覺曰。恁麼也不得不恁麼。也不得恁麼。總不得。師擬議。覺又打出。如是者數四。尋為水頭。因汲水折擔。忽悟。作投機偈曰。一二三四五六七。萬仞峰頭獨足立。驪龍領下奪明珠。一言勘破維摩詰。覺聞拊几稱善。後七坐道場。化行海內。嗣法者甚衆。**頌**上堂。衲僧橫說豎說。未知有頂門上眼。時有僧問。如何是頂門上眼。師曰。衣穿瘦骨露。屋破



驅耕夫牛  
奪飢人食

看星眠○上堂。夫為宗師。須是驅耕夫之牛。奪飢人之食。遇賤即貴。遇貴即賤。驅耕夫之牛。令它苗稼豐登。奪飢人之食。令它永絕飢渴。遇賤即貴。握土成金。遇貴即賤。變金成土。老僧亦不驅耕夫之牛。亦不奪飢人之食。何謂耕夫之牛。我復何用。飢人之食。我復何餐。我也不握土成金。也不變金作土。何也。金是金。土是土。玉是玉。石是石。僧是僧。俗是俗。古今天地。古今日月。古今山河。古今人倫。雖然如此。打破大散關。幾個迷逢達磨頰。上堂。鴈過長空。影沉寒水。鴈無遺蹤之意。水無留影之心。若能如是。方解向異類中行。不用續晷截鶴。夷嶽盈壑。放行也。百醜千拙。收來也。攣攣拳拳。用之。則敢與八大龍闔富。不用。都來不直半分錢。叅○上堂。靈源絕朕。普現色身。法離斷常。有無堪示。所以塵塵不見佛。刹刹不聞經。要會靈山親授記。晝見日夜見星。良久曰。若到諸方。不得錯舉。叅○上堂。虛明自照。不勞心力。上士見之。鬼神茶飯。中士得之。狂心頓息。更有一人。切忌道著。○上堂。青蘿寅綠。直上寒松之頂。白雲淡泞。出沒太虛之中。何似

鬼神  
茶飯

直上寒松之頂。白雲淡泞。出沒太虛之中。何似



室中  
問僧

南山起雲北山下雨若也會得甜瓜徹蒂甜若  
也不會苦瓠連根苦室中問僧無手人能行拳  
無舌人解言語忽然無手人打無舌人無舌人  
道個甚麼又曰蜀魄連宵叫鷓鴣終夜啼圓通  
門大啓何事隔雲泥頌師舉金剛經云若見諸  
相非相即見如來法眼云若見諸相非相即不  
見如來師曰若見諸相非相眼在甚麼處此語  
有兩負門增收頌示衆曰百骸俱潰散一物鎮  
長靈百骸潰散皆歸土一物長靈甚處安南堂  
一物長靈甚處安長空雲散碧天寬蓮宮佛刹

花無數。貶起眉毛子細觀增收

嗣雪  
實顯

承天宗禪師僧問如何是般若體師曰雲籠碧  
嶠曰如何是般若用師曰月在清池

嗣雪  
實顯

南明慎禪師僧問祖意教意是同是別師曰水  
天影交碧曰畢竟是同是別師曰松竹聲相寒

嗣雪  
實顯

君山昇禪師上堂大方無外含裹十虛至理不  
形圓融三際高超名相妙體全彰迥出古今真  
機獨露握驪珠而鑑物物流輝擲寶劍以揮  
空空空絕迹把定則摩竭掩室淨名杜詞放行  
則拾得搖頭寒山拊掌且道是何人境界拈拄



嗣雪  
竇顯

杖卓一下曰瞬目揚眉處憑君子細看

洞庭惠金典座。依明覺於雪竇。聞舉須弥山話。默有契。一日欲往訊。遇之殿軒。覺問汝名甚麼。曰惠金。覺曰阿誰惠汝金。曰容少間去。方丈致謝。覺曰即今擲。曰這裏容和尚不得。

嗣雪  
竇顯

脩撰曾會居士。幼與明覺同舍。及冠異途。天禧間。公守池州。一日會于景德寺。公遂引中庸大學。參以楞嚴符宗門語句。質明覺。覺曰。這個尚不與教乘合。况中庸大學耶。學士要徑捷理會此事。乃彈指一下曰。但恁麼薦取。公於言下領旨。天聖初。公守四明。以書幣迎師。補雪竇。既至。公曰。某近與清長老商量趙州勘婆子話。未審端的有勘破處也。無。覺曰。清長老道個甚麼。公曰。又與麼去也。覺曰。清長老且放過一著。學士還知天下衲僧出這婆子圈。積不得麼。公曰。這裡別有個道處。趙州若不勘破婆子。一生受屈。覺曰。勘破了也。公大笑。

商量  
勘婆  
子話

嗣延  
慶榮

圓通訥禪師。肄業講肆者年多。下之會禪者。南遊回。力勉其行。於是徧參荆楚間。迄無所得。至襄州洞山。留止十年。因讀華嚴論。有省後遊廬



山道價日起

嗣北  
賢禪

行脚  
樣子

師資  
敲唱

法昌遇禪師。有大志。自受具遊方。名著叢席。浮山遠。和尚嘗指謂人曰。此後學行脚樣子也。叅北禪。禪問。近離甚處。師曰。福嚴。禪曰。思大鼻孔長多少。師曰。與和尚當時見底一般。禪曰。汝道我見時長多少。師曰。和尚大似不曾到福嚴。禪曰。學語之流。又問來時馬大師安樂否。師曰。安樂。禪曰。向汝道甚麼。師曰。教和尚莫亂統。禪曰。念汝新到。不能打得你。師曰。某甲亦放和尚過。茶罷。禪問鄉里甚處。師曰。漳州。禪曰。二平在彼

英勝  
二座  
相別

作甚麼。師曰。說禪。說道。禪曰。年多少。師曰。與露柱齊年。禪曰。有露柱。且從無露柱。年多少。師曰。無露柱。一年也不少。禪曰。夜半放烏雞。師留北禪。最久。於是師資敲唱。妙出一時。○晚至西山。瞻雙嶺。深遂棲息三年。始應法昌之請。師在雙嶺。受請與英勝二首座相別。曰。三年聚首。無事不知。檢點將來。不無滲漏。以拄杖畫一畫曰。這個即且止。宗門事作麼生。英曰。須彌安鼻孔。師曰。恁麼則臨崖看澗。眼特地一場愁。英曰。深沙努眼睛。師曰。爭奈聖凡無異路。方便有多門。英



祖師  
特唱  
此事

曰。鐵蛇鑽不入。師曰。這般漢。有甚共語。處英曰。自緣根力淺。莫怨太陽春。却畫一畫曰。宗門事且止。這個事作麼生。師便掌。英曰。這漳州子。莫無去就。師曰。你這般見解。不打更待何時。又打。英曰。也是老僧招得上堂。祖師西來。特唱此事。祇要時人知有。如貧子衣珠。不從人得。三世諸佛。祇是弄珠底人。十地菩薩。祇是求珠底人。汝等正是趁婢乞丐。懷寶迷邦。靈利漢。纔聞舉著。眨上眉毛。便知落處。若是踏步向前。不如策杖歸山去。長嘯一聲。烟霧深。頌示衆。我要一個不

拈起  
拄杖

會禪底。作國師。○上堂。春山青春水綠。一覺南柯夢。初足携筇。縱步出松門。是處桃英香馥郁。因思昔日靈雲老。三十年来無處討。如今競愛摘楊花。紅香滿地無人掃。○上堂。拈起拄杖曰。我若拈起。你便喚作先照。後用我若放下。你便喚作先用。後照我若擲下。你便喚作照用同時。忽然不拈不放。你向甚麼處卜度。直饒會得個儻分明。若遇臨濟德山。便須腦門著地。且道伊有甚麼長處。良久曰。曾經大海休誇水。除却須弥不是山。



嗣北  
禪賢

嗣開  
先暹

諸佛  
說不  
到底  
法

廣因要禪師上堂。古者道穢恐為僧心不了。為僧心了總輸僧。且如何是諸上座了底心。良久曰。漁翁睡重深潭濶。白鳥不飛舟自橫。

雲居了元佛印禪師。僧問如何是佛。師曰。木頭

雕不就。曰。恁麼則皆是虛妄也。師曰。梵音深遠

令人樂聞。○問如何是諸佛說不到底。法師曰。

蟻子解尋腥。處走蒼蠅。偏向臭邊飛。曰。學人未

曉。請師再指。師曰。九萬里鵬從海出。一千年鶴

遠天歸。○問大修行。人還入地獄也。無。師曰。在

裡許。曰。大作業人。還上天堂也。無。師曰。鰕跳不

出斗。曰。恁麼則鑊湯爐炭。吹教滅。劒樹刀山。喝

使摧。師曰。自作自受。乃曰。適來禪客。出眾禮拜。

各以無量珍寶。布施大眾。又於面門上。放大光

明。照耀乾坤。令諸人普得相見。於此明得。可謂

十方諸佛。各坐其前。常為勞生。演說大法。豈假

山僧重重註破。如或未然。不免橫身狗物。乃橫

按拄杖曰。萬般草木根苗異。一得春風便放花。

○師一日與學徒入室。次適東坡居士到面前。

師曰。此間無坐榻。居士來此作甚麼。士曰。暫借

佛印四大為座榻。師曰。山僧有一間。居士若道

東坡  
留玉  
帶

卷之三

四

如

卷



得。即請坐。道不得。即輸腰下玉帶子。士欣然曰。便請師曰。居士適來道。暫借山僧四大為坐榻。祇如山僧四大本空。五蘊非有。居士向甚麼處坐。士不能答。遂留玉帶。師却贈以雲山衲衣。士乃作偈三首。其一曰。病骨難堪玉帶圍。鈍根仍落箭鋒機。會當乞食歌姬院。奪得雲山舊衲衣。餘不備錄。

嗣開  
先暹

智海逸正覺禪師。僧問古鏡未磨時如何。師曰。青青河畔草。曰磨後如何。師曰。鬱鬱園中柳。曰磨與未磨是同是別。師曰。同別且置。還我鏡來。僧擬議。師便喝。○上堂。拈拄杖曰。這拄杖。在天也。與日月並明。在地也。與山河同固。在王侯也。以代蒲鞭。在百姓也。防身禦惡。在衲僧也。畫橫肩上。渡水穿雲。夜宿旅亭。撐門拄戶。且道在山僧手裡。用作何為。要會麼。有時放步東湖上。與僧遙指遠山青。擊禪牀下座。○上堂。憶得老僧年七歲時。於村校書處。得一法門。超情離見。絕妙絕玄。爰自染神。逾六十載。今日輒出普告大眾。若欲傳持。宜當諦聽。遂曰。寒原耕種罷。牽犢負薪歸。此夜一爐火。渾家身上衣。諸禪德。逢人

超情  
離見



嗣開  
先暹

嗣雲  
居舜

不得錯舉○上堂古者道接物利生絕妙外甥  
終是不肖他家自有兒孫將來應用恰好諸禪  
德還會麼菜園墻倒晴方築房店籬穿雨過修  
院守漏時隨分整兒孫大小盡風流○道士問  
如何是道師曰龍吟金鼎虎嘯丹田曰如何是  
道中人師曰吐故納新曰道與道中人相去多  
少師曰宵鶴顛崖上冲天昧米民

天章楚禪師上堂鼓聲錯落山色崔嵬本既不  
有甚處得來良久曰高著眼

蔣山泉禪師僧問古人說不到處請師說師曰

夫子入太廟曰學人未曉師曰春暖柳條青○  
聖節上堂拈拄杖擊法座一下曰以此功德祝  
延聖壽便下座○上堂時人欲識南禪路門前  
有個長松樹脚下分明不較多無奈行人恁麼  
去莫恁去急回顧樓臺烟鎖鐘鳴處○師因雪  
下上堂召大眾曰還有過得此色者麼良久曰  
文殊笑普賢嗔眼裏無筋一世貧相逢盡道休  
官去林下何曾見一人○上堂快人一言快馬  
一鞭若更眼睛定動未免紙裏麻纏脚下是地  
頭上是天不信但看八九月紛紛黃葉滿山川



嗣雲  
居舜

慈雲慧禪師。上堂。片月浸寒潭。微雲滿空碧。若  
於達道人。好個真消息。還有達道人麼。微雲穿  
過你觸髓。片月觸着你鼻孔。珍重。

嗣大  
馮宥

歸宗通禪師。僧問如何是函蓋乾坤句。師曰。日  
出東方夜落西。曰如何是截斷衆流句。師曰。鐵  
山橫在路。曰如何是隨波逐浪句。師曰。船子下

二句

揚州

人天眼目云  
鐵船橫古路

○上堂。從無入有易。從有入

無難。有無俱盡處。且莫自顛顛。預舉來看。寒山拾  
得禮豐干。

嗣育  
王璉

天宮微禪師。上堂。八萬四千波羅密。門門長

開。三千大千微塵諸佛。佛佛說法。不說有。不說

無。不說非。有非無。不說亦有亦無。何也。雖四句。

絕百非。相逢舉目少人知。昨日霜風漏消息。梅

花依舊綴寒枝。

嗣夾  
山尊

福昌信禪師。上堂。召大衆。衆舉頭。師曰。南山風

色緊便下座。

嗣天  
衣懷

慧林宗本圓照禪師。遊方至池陽。謁振宗。宗舉

天親從弥勒內宮而下。無著問云。人間四百年。

彼天為一晝夜。弥勒於一時中。成就五百億天

子。證無生法忍。未審說甚麼法。天親曰。祇說這



嗣天  
衣懷

個法。如何是這個法。師久而開悟。宗一日問師。即心即佛時如何。師曰。殺人放火。有甚麼難。於是名播寰宇。○僧問。上是天。下是地。未審中間。是甚麼物。師曰。山河大地。曰。恁麼則謝師答話。師曰。大地山河。曰。和尚何得瞞人。師曰。却是老僧罪過。○上堂。頭圓像天。足方似地。古貌稜層。丈夫意氣。趯倒須弥。踏翻海水。帝釋與龍王。無著身處。乃拈拄杖曰。却來拄杖上回避。咄。任汝神通變化。究竟須歸這裏。以拄杖卓一下。

神宗  
賜號  
圓通

鐵佛懷禪師。懷問曰。座主講甚麼經。師曰。華嚴。曰。華嚴以何為宗。師曰。法界為宗。曰。法界以何為宗。師曰。以心為宗。曰。心以何為宗。師無對。懷曰。毫釐有差。天地懸隔。汝當自看。必有發明。後聞僧舉白兆叅報慈情未生時如何。慈曰。隔師忽大悟。直詣方丈。陳其所證。懷曰。汝真法器。吾宗異日。在汝行矣。○僧問。不離生死而得涅槃。不出魔界而入佛界。此理如何。師曰。赤土茶一作塗。牛妳曰。謝師答話。師曰。你話頭道甚麼。僧擬議。師便喝。○上堂。看風使帆。正是隨波逐浪。截

看風  
使帆



斷衆流。未免依前滲漏。量才補職。寧越短長。實  
帽相頭。難得恰好。直饒上不見天。下不見地。東  
西不辨。南北不分。有甚麼用處。任是純鋼打就  
生鐵鑄成。也須額頭汗出。搥不恁麼。如何商量  
良久曰。赤心片片誰知得。笑殺黃梅石女兒。○  
上堂。山僧不會巧說。大都應個時節。相喚喫椀  
茶湯。亦無祖師妙訣。禪人若也未相諳。踏著秤  
鎚硬似鐵。

嗣大  
永懷

慧林若冲覺海禪師。上堂。碧落靜無雲。秋空明  
有月。長江瑩如練。清風來不歇。林下道人幽。相

看情共悅。諸仁者。適來道個清風明月。猶是建  
化門中事。作麼生是道人分上事。良久曰。閒來  
石上觀流水。欲洗禪衣未有塵。○上堂。無邊義  
海。咸歸顧盼之中。萬象形容。盡入照臨之內。你  
諸人築著磕著。因甚麼却不知。良久曰。莫怪山  
僧太多事。光陰如箭急相催。珍重。

嗣天  
永懷

長蘆應夫禪師。上堂。召衆曰。江山遠檻。宛如水  
墨屏風。殿閣凌空。麗若神仙洞府。森羅萬象。海  
印交參。一道神光。更無遮障。諸人還會麼。良久  
曰。寥寥大地間。獨立望何極。參。



嗣天  
永懷

佛日智才禪師。上堂。城裏喧繁。空山寂靜。然雖如此。動靜一如。死生不二。四時輪轉。物理湛然。夏不去而秋自來。風不涼而人自爽。今也古也。不改絲毫。誰少誰多。身無二用。諸禪德既身無二用。為甚麼龍女現十八變。君不見弄潮。須是弄潮人。珍重。○上堂。風雨蕭騷。塞汝耳根。落葉交加。塞汝眼根。香臭麤雜。塞汝鼻根。冷熱甘甜。塞汝舌根。衣綿溫冷。塞汝身根。顛倒妄想。塞汝意根。諸禪德直饒汝翻得轉。也是平地骨堆。叅○上堂。舉栢樹子話。師曰。趙州庭栢。說與禪客。

黑漆屏風。松檟亮隔。

嗣天  
永懷

天鉢元禪師。初遊講肆。頗達宗教。嘗燕坐古室。忽聞空中有告師。學上乘者。無滯於此。驚駭出視。杳無人跡。翌日客至。出寒山集。師一覽之。即慕叅玄。至天衣法席。遇衆請益。豁然大悟。衣印可。曰。此吾家千里駒也。○上堂。冬不受寒。夏不受熱。身上衣。口中食。應時應節。既非天然自然。盡是人人膏血。諸禪德。山僧恁麼說話。為是世法。為是佛法。若也擇得分明。萬兩黃金亦消得。喝一喝。



嗣天  
永懷

棲賢遷禪師。上堂。是甚麼物。得恁頑頑。瞿曇。眇眇。拊掌呵呵。大笑曰。今朝巴鼻。直是黃面。瞿曇。通身是口也。分疎不下。又立。

嗣天  
永懷

梵言首座示衆。南陽國師道說法有所得。斯則野干鳴說法無所得。是名師子吼。師曰。國師恁麼道。大似掩耳偷鈴。何故。說有說無。盡是野干鳴。諸人要識師子吼麼。咄。

嗣天  
永懷

三祖會禪師。僧問。理雖頓悟。事假漸除。除即不問。如何。是頓悟底道理。師曰。言中有響。曰。便恁麼。又且如何。師曰。金毛師子。問生也。猶如著衫。

嗣天  
衣懷

死也。猶如脫袴。未審意旨如何。師曰。譬如閑。曰。為甚麼如此。師曰。因行不妨掉臂。

澄照慈禪師。上堂。若論此事。賤上眉毛。早是蹉過。那堪進步向前。更要山僧說破。而今說破了也。還會麼。昨日雨。今日晴。

嗣天  
衣懷

崇德澄禪師。秀州人也上堂。覲面相呈。更無餘事。若也如此。豈不俊哉。山僧蓋不得已。曲為諸人。若向衲僧面前。一點也著不得。諸禪德。且道衲僧面前。說個甚麼。即德。良久。曰。深秋簾幙千家雨。落日樓臺一笛風。



嗣天  
永懷

定慧雲禪師。僧問如何。是為人一句。師曰見之

不取。曰學人未曉。師曰思之千里。

嗣天  
衣懷

報本存禪師。在天衣受請。上堂曰。長江聖壽。見  
召住持。進退不違。且隨緣分。此皆堂頭和尚提  
耳訓育。終始獎諭。若據今日正令。當行便好。一  
棒打殺。那堪更容。立在座前。雖然如是。養子方  
知父慈。

嗣天  
衣懷

開聖棲禪師。開堂垂語曰。選佛場開。人天普會。  
莫有久歷覺場。罷叅禪客。出來相見時。有僧出  
師曰。作家作家。僧曰。莫著忙。師曰。元來不是作

嗣天  
衣懷

家。僧提起坐具曰。看看。摩竭陀國。親行此令。師  
曰。祇今作麼生。僧禮拜。師曰。龍頭蛇尾。

衡山禮禪師。上堂。若論此事。直下難明。三賢用  
測。十聖不知。到這裏。須高提祖令。橫按鎔錘。佛  
尚不在。纖塵何立。直教須弥粉碎。大海焦枯。故  
一線道。與諸人商量。且道商量個甚麼。良久曰。  
鹽貴米賤。

嗣天  
衣懷

雲門侃禪師。上堂。塵勞未破。觸境千差。心鑑圓  
明。絲毫不立。靈光皎皎。獨露現前。今古兩忘。聖  
凡路絕。到這裏。始能卷舒自在。應用無虧。出沒



嗣天  
衣懷

往還人間天上。大眾雖然如是。忽被人把住。問你道。拄杖子向甚麼處著。又如何祇對。還有人道得麼。出來道看。衆無對。乃拍禪林下座。

太平坦禪師。上堂。是法無宗。隨緣建立。聲色動靜。不昧見聞。舉用千差。如鐘待扣。於此薦得。且隨時著衣喫飯。若是德山臨濟。更須打草鞋行脚。參。

嗣天  
衣懷

佛足祥禪師。僧問。一色無變異。喚作露地白牛。還端的也無。師曰。頭角生也。曰。頭角未生時如何。師曰。不要犯人苗稼。

嗣天  
衣懷

明因贊禪師。上堂。橫按拄杖曰。若恁麼去。直得天無二日。國無二王。釋迦老子。飲氣吞聲。一歲教。如蟲蝕木。設使鑽仰不及。正是無孔鐵鎚。假饒信手拈來。也是殘羹餽飯。一時吐却。方有少分相應。更乃墮在空亡。依舊是鬼家活計。更會麼。雨後始知山色翠。事難方見丈夫心。卓拄杖下座。

嗣天  
衣懷

侍郎楊傑居士。號無為。歷參諸名宿。晚從天衣游。衣每引老龐機語。令研究深造。後奉祀泰山。一日雞一鳴。睹日如盤。涌忽大悟。乃別有男不



婚有女不嫁之偈曰。男大須婚。女長須嫁。討其  
閒工夫。更說無生話。書以寄衣。衣稱善。後會芙  
蓉。楷禪師。公曰。與師相別幾年。蓉曰。七年。公曰。  
學道來。參禪來。蓉曰。不打這鼓笛。公曰。恁麼則  
空遊山水。百無所能也。蓉曰。別來未久。善能高  
鑑。公大笑。公有辭世偈曰。無一可戀。無一可捨。  
太虛空中。之乎者也。將錯就錯。西方極樂。  
慧日堯禪師。僧問。古者道我有一句待無舌人。  
解語。却向汝道。未審意旨如何。師曰。無影樹下  
好商量。僧禮拜。師曰。瓦解冰消。

嗣稱  
心宗

嗣報  
本蘭

中際遵禪師。上堂。八萬四千深法門。門門有路。  
超乾坤。如何個個踏不著。祇為蜈蚣太多脚。不  
唯多脚亦多口。釘背鐵舌徒增醜。拈鎚豎拂泥  
洗泥。揚眉瞬目籠中雞。要知佛祖不到處。門掩  
落花春鳥啼。

嗣雲  
居元

百丈悟禪師。僧問。如何是佛。師曰。問誰。曰。特問  
和尚。師曰。鷄子過新羅。

嗣雲  
居元

善權泰禪師。上堂。諸佛出世。廣演三乘。達磨西  
來。密傳大事。上根之者。言下頓超。中下之流。須  
當漸次。發明心地。或一言唱道。或三句敷揚。或



嗣雲  
居元

善巧應機。遂成多義。撮其樞要。摠是空花。一句  
窮源。沉埋祖道。敢問諸人。作麼生是依時及節  
底句。良久曰。微雲淡河漢。踈雨滴梧桐。參  
崇福基禪師。上堂。若於這裏會得。便能入一佛  
國。坐一道場。水鳥樹林。共談斯要。樓臺殿閣。同  
演真乘。續千聖不盡之燈。照八面無私之燄。所  
以道在天同天。在人同人。還有知音者麼。良久  
曰。水底金烏。天上日。眼中瞳子。面前人。  
大中隆禪師。上堂。法無異法。道無別道。時時逢  
見釋迦。處處撞着。達磨。放步即交肩。開口即敲

嗣智  
海逸

破不敲破。大小大。○上堂。夫欲智拔。先湏定動。  
卓拄杖曰。唵。蘇嚕。嚩。唎。娑。婆。訶。歸。堂。喫。茶。○上  
堂。平日寅曉。何人處處。彌陀佛。家家觀世音。月  
裏麒麟看北斗。向陽柁子一邊青。

嗣智  
海逸

會東  
林總  
謁慧  
林冲  
參韶  
山杲  
依正

僉判劉經臣居士。少以逸才。登仕版於佛法。未  
之信。年三十二。會東林。照覺總禪師。與語。啓迪  
之。乃敬服。因醉心祖道。既而抵京師。謁慧林冲  
禪師。於僧問。雪竇如何。是諸佛本源。荅曰。千峰  
寒色語。下有省。歲餘。官雒幕。就參韶山杲禪師。  
將去。任辭韶山。山囑曰。公如此用心。何愁不悟。



覺逸

爾後或有非常境界無量歡喜且急收拾若收拾得去便成法器若收拾不得則有不寧之疾成失心之患矣未幾復至京師趨智海依正覺逸禪師請問因緣海曰古人道平常心是道你十二時中放光動地不自覺知向外馳求轉踈轉遠公益疑不解一夕入室海舉傳燈所載香至國王門波羅提尊者何者是佛尊者曰見性是佛之語問之公不能對疑甚遂歸就寢熟睡至五鼓覺來方追念間見種種異相表裏通徹六根震動天地回旋如雲開月現喜不自勝忽

見種種異相

憶韶山臨別所囑之言姑抑之逗明趨智海悉以所得告海為證據且曰更須用得始得公曰莫要踐履否海厲聲曰這個是甚麼事却說踐履公默契乃作發明心地頌八首及著明道諭儒篇以警世

嗣蔣山泉  
聞雷悟道

清獻公趙抃居士字閱道年四十餘擯去聲色系心宗教會佛慧來居衢之南禪公日親之慧未嘗容措一詞後典青州政事之餘多宴坐忽大雷震驚即契悟作偈曰默坐公堂虛隱几心源不動湛如水一聲霹靂頂門開喚起從前自



與富  
鄭公  
書

家底慧聞笑曰趙悅道撞彩耳○富鄭公初於宗門未有所趣。公勉之書曰。伏惟執事富貴如是之極。道德如是之盛。福壽康寧如是之備。退休閒逸如是之高。其所未甚留意者。如來一大事。因緣而已。能專誠求所證悟。它日為門下賀也。公年七十有二。以太子少保致仕。作高齋自適。

嗣慧  
林本

法雲善本禪師僧問寶塔元無縫。如何指示人。師曰。烟霞生背面。星月繞簷楹。曰。如何是塔中人。師曰。竟日不知清世事。長年占斷白雲鄉。曰。向上更有事也。無。師曰。太無厭生○上堂。上不

嗣慧  
林本

見天下不見地。畝塞虛空無處回避。為君明破。即不中。且向南山看鼈鼻。擲拄杖下座。

金山善寧禪師上堂。顧視大眾曰。古人道。在眼曰見。在耳曰聞。在鼻嗅香。在舌談論。在身覺觸。在意攀緣。雖然如是。祇見錐頭利。不見鑿頭方。若是金山即不然。有眼覷不見。有耳聽不聞。有鼻不知香。有舌不談論。有身不覺觸。有意絕攀緣。一念相應。六根解脫。敢問諸禪德。且道與前來。是同是別。莫有具眼底衲僧。出來通個消息。若無。復為諸人重重註破。放開則私通車馬。捏



嗣慧  
林本

聚則毫末不存。若是飽戰作家。一任是非。貶剝。壽州資壽巖禪師。僧問。大藏經中。還有奇特事也。無。師曰。祇恐汝不信。曰。如何。即是。師曰。黑底是墨。黃底是紙。曰。謝師答話。師曰。領取鈎頭。意莫認定盤星。○上堂。乾坤肅靜。海晏河清。風不鳴條。雨不破塊。春生夏長。秋收冬藏。這個是世間法。作麼生是佛法。良久。曰。欲得不招無間業。莫謗如來正法輪。

嗣慧  
林本

秀州本覺一禪師。僧問。如何是句中玄。師曰。崑崙騎象藕絲牽。曰。如何是體中玄。師曰。影浸寒潭。月在天。曰。如何是玄中玄。師曰。長連牀上帶刀眠。曰。向上還有事也。無。師曰。放下著。○上堂。折半列三人人。道得去。一拈七。亦要商量。正當今日。雲門道底。不要別作麼生。露得個消息。良久。曰。日月易流。

嗣慧  
林本

投子顥禪師。上堂。巍巍少室。永鎮群峰。有時雲中捧出。有時霧罩無蹤。有時突出目前。有口道不得。被人喚作壁觀胡僧。諸仁者。作麼生免得此過。休休。不如且持課。良久。曰。一元和二佛陀。三釋迦。自餘是甚。椀躡丘。叅。



嗣慧  
林本

地。蔽恩禪師。上堂。雨後鳩鳴。山前麥熟。何處牧  
童兒。騎牛笑相逐。更把鐵笛橫吹。風前一曲兩  
曲。叅

嗣慧  
林本

靈曜良禪師。上堂。不知時分之延促。不知日月  
之大小。灰頭土面。且與麼過。山僧每遇月朔。特  
地。闢釘家風。抑揚問答。一場笑具。雖然如是。因  
風撮土。借水獻花。有個葛藤露布。與諸人共相  
解。摘看。驀拈拄杖。擊香臺曰。叅堂去。

嗣慧  
林本

香山泳禪師。上堂。心隨境現。境逐心生。心境兩  
忘。是個甚麼。拈起拄杖曰。且道這個甚麼處得來。  
若道是拄杖。瞎却汝眼。若道不是拄杖。眼在甚  
麼處。是與不是。一時拈却。且騎拄杖出三門去  
也。遂曳杖下座。

嗣慧  
林本

靈泉一禪師。上堂。美玉蔽頑石。蓮華出淤泥。須  
知煩惱處。悟得即菩提。咄

嗣慧  
林本

石佛通禪師。僧問如何是頓教師。師曰。月落寒潭。  
曰如何是漸教師。師曰。雲生碧漢。曰不漸不頓時  
如何。師曰。八十老婆不言嫁。

嗣法  
雲秀

法雲惟白佛國禪師。上堂。過去已過去。未來且  
莫算。正當現在事。今朝正月半。明月正團圓。打



鼓普請看。大衆看即不無畢竟喚甚麼作月。休  
於天上覓。莫向水中尋。師有續燈錄三十卷入  
藏。

嗣法  
雲秀

仙巖純禪師。僧問德山棒。臨濟喝。和尚如何作  
用。師曰。老僧今日困。僧便喝。師曰。却是你惺惺。  
慈濟聰禪師。上堂。終日孜孜相為。恰似牽牛上  
壁。大衆。何故如此。貪生逐日區區去。喚不回頭  
爭奈何。

嗣法  
雲秀

嗣法  
雲秀

白兆珪禪師。上堂。幸逢嘉會。須采異聞。既遇寶  
山。莫令空手。不可他時後日。門。扇後壁角頭。自

說大話也。窮天地。亘古今。即是當人一箇自性。  
於是中間更無它物。諸人每日行時行着。卧時  
卧着。坐時坐著。祇對語言時。滿口道著。以至揚  
眉瞬目。嗔喜愛憎。寂默遊戲。未始間斷。因甚麼  
不肯承當。自家歇去。良由無量劫來。愛欲情重。  
生死路長。背覺合塵。自生疑惑。譬如空中飛鳥。  
不知空是家鄉。水裏遊魚。忘却水為性命。何得  
自抑。却問傍人。大似捧飯。稱飢臨河。叫渴。諸人  
要得休去麼。各請立地。定著精神。一念回光。豁  
然自照。何異空中紅日。獨運無私。盤裏明珠。不



撥自轉。然雖如是。祇為初機。向上機關。未嘗踏著。且道作麼生。是向上機關。良久曰。抑面看天。不見天。

嗣法  
雲秀

福嚴初禪師。上堂。即性之相。一亘晴空。即相之性。千波競起。若徹來源。清流無阻。所以舉一念。而塵沙法門。頓顯拈一毫。而無邊刹境。齊彰。且道文殊普賢。在甚麼處。下坡不走。快便難逢。便下座。

嗣法  
雲秀

德山仁繪禪師。上堂。至道無難。唯嫌揀擇。但莫憎愛。洞然明白。山僧即不然。至道最難。須是揀擇。若無憎愛。爭見明白。

嗣法  
雲秀

香積旻禪師。上堂。木馬衝開千騎路。鐵牛透過萬重關。木馬鐵牛。在甚麼處。良久曰。驚起暮天沙上鴈。海門斜去兩三行。

嗣法  
雲秀

瑞相來禪師。上堂。顧視衆曰。夫為宗匠。隨處提綱。應機問答。殺活臨時。心眼精明。那容妖怪。若也棒頭取證。喝下承當。埋沒宗風。耻它先作。轉身一路。不在疑遲。一息不來。還同死漢。大眾直饒到這田地。猶是句語埋藏。未有透脫一路。敢問諸人。作麼生是透脫一路。還有人道得麼。若



嗣法  
雲秀

無山僧不免與諸人說破。良久曰。玉離荆楚寒  
光動。劍出豐城紫氣橫。

真空一禪師。上堂。心鏡明。鑑無礙。遂拈起拄杖  
曰。喚這個作拄杖。即是礙。不喚作拄杖。亦是礙。  
離此之外。畢竟如何。要會麼。礙不礙。誰為對。大  
地山河。廓然粉碎。

嗣慧  
林冲

華嚴智明禪師。上堂。若論此事。在天則列萬象  
而齊現。在地則運四時而發生。在人則出歿卷  
舒。六根互用。且道在山僧拄杖頭上。又在麼生。  
良久卓一下曰。高也。著低也。著。

嗣慧  
林冲

永泰航禪師。上堂。龍騰碧漢。變化無方。鳳翥青  
霄。誰知蹤跡。可行則行。不出百千三昧。可止則  
止。寧忘萬象森羅。所以道取不得。舍不得。不可  
得。中祇麼得。且道得個甚麼。良久曰。莫妄想。  
壽聖邦禪師。僧問。祖意教意。拈放一邊。如何得  
速成佛去。師曰。有成終不是。是佛亦非真。僧擬  
議。師叱曰。話頭道甚麼。

嗣慧  
林冲

嗣長  
蘆天

長蘆曠禪師。上堂。樓外紫金山色秀。門前甘露  
水。寒。古槐陰下清風裏。試為諸人。再指看。拈  
拄杖曰。還見麼。擊香卓曰。還聞麼。靠却拄杖曰。



嗣佛  
日才

眼耳若通隨處足。水聲山色自悠悠。  
夾山齡禪師。上堂。良父打一圓相曰。大眾。五千  
餘卷詮不盡。三世諸佛讚不及。令人却憶賣油  
翁。狼忙走下繩。拈立。叅。

嗣天  
鉢元

元豐滿禪師。上堂。此劔刃上事。須劔刃上漢始  
得。有般名利之徒。為人天師。懸羊頭。賣狗肉。壞  
後進初機。滅先聖洪範。你等諸人。聞恁麼事。豈  
不寒心。由是疑悞衆生。墮無間獄。苦哉苦哉。取  
一期快意。受萬劫餘殃。有甚麼死急來。為釋子。  
喝曰。瞋人徒側耳。便下座。

嗣天  
鉢元

善勝悟禪師。上堂。揚聲止響。不知聲是響。根弄  
影。逃形不知形。為影本。以法問法。不知法本非  
法。以心傳心。不知心本無心。心本無心。知心如  
幻。了法非法。知法如夢。心法不實。莫謾追求。夢  
幻空花。何勞把捉。到這裏。三世諸佛。一大藏教。  
祖師言句。天下老和尚。路布葛藤。盡使不著。何  
故。太平本是將軍致。不許將軍見太平。

嗣淨  
衆言

西京招提湛禪師。嘉禾人也上堂。偏不偏。正不正。那  
事從來難比並。滿天風雨骨毛寒。何須更入那  
伽定。卓拄杖下座。○上堂。六塵不惡。還同正覺。



嗣法  
雲本

馬上誰家白面郎。穿花折柳垂中角。夜來一醉  
明月樓。呼盧輸却黃金宅。臂鷹走犬歸不歸。娥  
眉皓齒嗔無力。此心能有幾人知。黃頭碧眼非  
相識。囉囉哩。拍手一下。下座。

淨慈楚明禪師。上堂。出門見山水。入門見佛殿。  
靈光觸處通。諸人何不薦。若不薦。淨慈今日不  
著便。○上堂。若論此事。如散鋪寶貝。亂堆金玉。  
昧已者。自甘窮困。有眼底信手拈來。所以道。閻  
浮有大寶。見少得還稀。若人將獻我。成佛一餉  
時。乃拈拄杖曰。如今一時呈似。普請大眾。高著

眼。擲拄杖下座。

嗣法  
雲本

絕學  
無為

雪峰思慧禪師。上堂。大道祇在目前。要且目前  
難睹。欲識大道真體。今朝三月十五。不勞又立  
○上堂。一切法無差。雲門胡餅。趙州茶。黃鶴樓  
中吹玉笛。江城五月落梅花。慚愧太原乎。上座  
五更聞鼓角。天曉弄琵琶。喝一喝。○上堂。南詢  
諸友。踏破草鞋。絕學無為。坐消日月。凡情易脫。  
聖解難忘。但有纖毫。皆成滲漏。可中為道。似地  
擎山。應物現形。如驢覷井。總無計較。途轍已成。  
若論相應。轉沒交涉。勉諸仁者。莫錯用心。各自



歸堂更求何事

嗣法  
雲本

資福明禪師。上堂。若論此事。盛言如伐樹得根。灸病得穴。若也得根。豈在千枝徧斫。若也得穴。不假六分全燒。以拄杖卓一下。曰。這個是根。那個是穴。擲下拄杖。曰。這個是穴。又喚甚麼作根。吐是何言歟。

嗣法  
雲本

雲峰璿禪師。上堂。休去歇去。一念萬年去。寒灰枯木去。古廟香爐去。一條白練去。大衆。古人見處。如日暉空。不著二邊。豈墮陰界。堪嗟後代兒孫。多作一色邊會。山僧即不然。不休去。不歇去。

聲色  
裏坐  
卧

業識茫茫去。七顛八倒去。十字街頭。鬧浩浩地。聲色裏坐卧去。三家村裏。盈衢塞路。荆棘裏遊戲去。乃山劒樹。劈腹剜心。鑊湯爐炭。皮穿骨爛。去。如斯舉唱。大似三歲孩兒。輓繡毬。○上堂。瘦竹長松。滴翠香流。風疏月度。炎涼不知誰住。原西寺。每日鐘聲送夕陽。○上堂。僧問。如何是西來意。師曰。築著額頭磕著鼻。曰。意旨如何。師曰。驢駝馬載。曰。向上還有事也。無。師曰。朝到西天。暮歸東土。曰。謝師答話。師曰。大乘研郎當。僧退。師乃曰。僧問。西來意。築著額頭磕著鼻。意旨又



語脉  
裡轉

如何驢駝并馬載。朝到西天暮歸唐。大乘恰似  
研郎當。何故沒量大人。被語脉裏轉却。遂拊掌  
大笑下座。○僧問丹霞燒木佛院主。為甚麼眉  
鬚墮落。師曰。一人傳虛。萬人傳實。白恁麼則不  
落也。師曰。兩重公案。曰。學人未曉。特伸請益。師  
曰。筠袁虔吉。頭上插筆。

嗣法  
雲本

延慶復禪師。上堂。胡來胡現。漢來漢現。忽然胡  
漢俱來時。如何祇準。良久曰。落霞與孤鶩齊飛。  
秋水共長天一色。參。

嗣法  
雲本

道場顏禪師。上堂。世尊按指。海印發光。拈拄杖

嗣法  
雲本

曰。莫妄想。便下座。  
天竺從諫講師。具大知見。聲播講席。於止觀深  
有所契。每與禪衲游。嘗以道力扣大通。通一日  
作書寄之。師發緘睹黑白二圓相。乃悟。答偈曰。  
黑相白相。擔枷過狀。了不了兮。無風起浪。若問  
究竟事如何。洞庭山在太湖上。

嗣金  
子寧

普濟淳禪師。上堂。雨過山青。雲開月白。帶雪寒  
松。搖風庭柏。山僧恁麼說話。還有祖師意也無。  
其或未然。良久曰。看看。

嗣本  
覺一

尼法海禪師。首叅法雲秀和尚。後領旨於法真



言下。諸名儒屢挽應世。堅不從。俎日說偈曰。霜天雲霧結。山月冷涵輝。夜接故鄉信。曉行人不知。屆明坐脫。

嗣授  
子顥

丞相富弼居士。由清獻公警勵之後。不舍晝夜力進此道。聞顥禪師。主投子。法席冠淮甸。往質所疑。會顥為衆登座。見其顧視。如象王回旋。公微有得。因執弟子禮。趨函丈。命侍者請為入室。顥見。即曰。相公已入來。富弼猶在外。公聞汗流浹背。即大悟。尋以偈寄圓照本曰。一見顥公悟入深。寅緣傳得老師心。東南謾說江山遠。自對

嗣甘  
露宣

靈光與妙音。後奏署顥師證悟號。

尼文照禪師。上堂。靈源不動。妙體何依。歷歷孤明。是誰光彩。若道真如實際。大似好肉剜瘡。更作祖意商量。正是迷頭認影。老胡四十九年說夢。即且止。僧堂裏。憍陳如上座。為你諸人舉覺。底還見得麼。良久曰。惜取眉毛好。

嗣瑞  
巖居

萬年幽禪師。上堂。先聖行不到處。凡流恰到。凡流既到。先聖莫知。到與不到。知與不知。總置一壁。祇如僧問乾峰。十方薄伽梵。一路涅槃門。未審路頭在甚麼處。峰以拄杖畫一畫曰。在這裏。



嗣長  
盧信

且道此老與它先聖凡流相去幾何。南山虎藪石羊兒。須向其中識生死。

慧林懷深慈受禪師。依淨照於嘉禾資聖。照舉良遂見麻谷。因緣問曰。如何是良遂。知處師即洞明。出住資福。屨滿戶外。蔣山佛鑑。勸禪師行化至。茶退師引巡察。至千人街坊。鑑問。既是千人街坊。為甚麼祇有一人。師曰。多虛不如少實。鑑曰。恁麼那。師赧然。偶朝廷以資福為神霄宮。因奔往蔣山。留西庵陳請益鑑曰。資福知是般事便休。師曰。某實未。穩望和尚不外。鑑舉倩女

活祖  
師意

離魂話。反覆窮之。大豁疑礙。呈偈曰。祇是舊時行履處。等閒舉著便諳訛。夜來一陣狂風起。吹落桃花知幾多。鑑拊几曰。這個豈不是活祖師意。○上堂。雲是何山起。風從甚澗生。好個入頭處。官路少人行。○上堂。不是境。亦非心。喚作佛時也。陸沉個中本自無階級。切忌無階級處尋。總不尋。過猶深。打破雲門飯袋子。方知赤土是黃金。咄。

嗣長  
盧信

萬壽墳禪師。凡見僧。必問近日如何。僧疑議。即拊其背曰。不可思議。將示寐。衆集。復曰。不可思



議乃合掌而終

嗣長  
盧信

天衣哲禪師有以瑞巖喚主人公話問者師荅以偈曰瑞巖長喚主人公突出須弥最上峰大地掀翻無覓處笙歌一曲畫樓中

嗣長  
盧信

智者詮禪師上堂要扣玄關湏是有節操極慷慨斬得釘截得鐵硬剝地漢始得若是隈刀避箭碌碌之徒看即有分以佛子擊禪牀下座報恩然禪師上堂學者無事空言湏求妙悟去妙悟而事空言其猶逐臭耳然雖如是罕逢穿耳客多遇刻舟人一日謂衆曰世緣易染道業

嗣金  
山慧

難辨汝等勉之語卒而逝

嗣元  
豐滿

雪峰演禪師上堂遣迷求悟不知迷是悟之鉗鎚愛聖憎凡不知凡是聖之爐鞴祗如聖凡雙泯迷悟俱忘一句作麼生道半夜彩霞籠玉象天明峰頂五雲遮

嗣元  
豐滿

衛州王大夫參元豐於言下知歸既而回壇山之陽縛茅自處者三載偶歌曰壇山裏日何長青松嶺白雲鄉吟鳥啼猿作道場散髮采薇歌又笑從教人道野夫狂

嗣元  
豐滿

嶽林真禪師上堂古人道秋初夏未合有責情



三十棒。岳林則不然。靈山會上。世尊拈華迦葉  
微笑。正當恁麼時。好與三十棒。何故如此。太平  
時節。強起干戈。教人吹大法螺。擊大法鼓。舉步  
則金蓮蹀躞。端居則寶座巍峨。梵王引之於前。  
香花繚繞。帝釋隨之於後。龍象駢羅。致令後代  
兒孫。遞相做做。三三兩兩。皆言出格風標。劫劫  
波波。未肯歸家穩坐。鼓唇搖舌。宛如鐘磬吹竽。  
奮臂點胸。何啻稻麻竹葦。更逞遊山翫水。撥草  
瞻風。人前說得石點頭。天上飛來花撲地。也好  
與三十棒。且道坐夏賞勞。如何酬獎。良久曰。萬

嗣招  
提湛

寶功成何厚薄。千鈞價重自低昂。

秀州觀音和尚。僧問如何是佛。師曰。半夜烏龜  
火裏行。曰。意作麼生。師曰。虛空無背面。僧禮拜。  
師便打。

嗣淨  
慈明

淨慈象禪師上堂。古者道一翳在眼。空花亂墜。  
拈拄杖曰。淨慈拈起拄杖。豈不是一翳在眼。百  
千諸佛。揔在拄杖頭。現丈六紫磨金色之身。乘  
其國土。遊歷十方。說一切法。度一切衆。豈不是  
空花亂墜。即今莫有向拄杖未拈已前。坐斷得  
麼。出來與淨慈相見。如無。切忌向空本無花眼。



嗣長  
蘆和

本無翳處著到。乃擲拄杖下座。

靈隱惠淳禪師上堂。吾心似秋月。碧潭清皎潔。乃喝曰。寒山子話墮了也。諸禪德皎潔無塵。豈中秋之月可比。虛明絕待。非照世之珠。可倫獨露乾坤光。吞萬象。普天匝地。耀古騰今。且道是個甚麼。良久曰。此夜一輪滿。清光何處無。

嗣雪  
峰慧

淨慈月堂道昌禪師上堂。未透祖師關。千難與萬難。既透祖師關。千難與萬難。未透時難。即且置。既透了。因甚麼却難。放下眾難。雖得價。動它柄杓也無端。

嗣雪  
峰慧

徑山照堂了一禪師上堂。參玄之士。觸境遇緣。不能直下透脫者。蓋為業識深重。情妄膠固。六門未息。一處不通。點絕純清。含生難到。直湏入林不動草。入水不動波。始可順生死流。入人間世。諸人要會麼。以拄杖畫曰。祇向這裏薦取。

嗣雪  
峰慧

金山了心禪師上堂。佛之一字。孰云無。木馬泥牛。滿道途。倚遍欄干。春色晚。香風吹斷碧珊瑚。還有同聲相應。同氣相求者麼。百鳥不來樓閣閑。祇聞夜雨滴芭蕉。

嗣香  
巖月

香巖如壁禪師上堂。變化密移。何太急。刹那念。



念一呼吸。八萬四千方便門。且道何門不可入。  
入不入。曉來雨打芭蕉濕。殷勤更問個中人。門  
外堂堂相對立。

嗣慧  
林深

國清妙印禪師上堂。滿口道得底為甚麼不知  
有。十分知有底為甚麼道不得。且道諸訛在甚  
麼處。若也知處。許你照用同時。明闇俱了。其或  
未然。道得道不得。知有不知有。南山石大蟲解  
作師子吼。

嗣靈  
隱光

中竺癡禪元妙禪師。僧問如何是截斷衆流句。  
師曰。佛祖開口無分。曰如何是函蓋乾坤句。師  
曰。匝地普天。曰如何是隨波逐浪句。師曰。有時  
入荒草。有時上孤峰。

嗣圓  
覺曇

靈巖日禪師上堂。悟無不悟得。無不得。九年面  
壁空勞力。三脚驢兒跳上天。泥牛入海無蹤跡。  
為甚如此。九九八十一。

嗣  
麓海

玉泉達禪師。僧問如何是一印。印空師曰。萬象  
收歸古鑑中。曰如何是一印。印水師曰。秋蟾影  
落千江裏。曰如何是一印。印泥師曰。細觀文彩  
未生時。

嗣中  
竺妙

光孝深禪師上堂。維摩一默。普賢廣說。歷代聖



人。互呈醜拙。君不見。落花三月。子規啼。一聲聲。  
是一點血。○上堂風蕭蕭。葉飄飄。雲片片。水茫茫。  
江干獨立。向誰說。天外飛鴻。三兩行。